



«Цала «уссу» кьаивтун, архми гъан буллалисса члумул заллукъру»

«Илчилул» ва ххуллукъсса хъин хъамаличувну хъунни НТВ-лул Ухсавнил Кавказнавусса корреспондент, СВО байбивхъуня махъ Украиннавун командировкалий аИгийла лавгсса, тти, февральданий, аИния цалчингу нанисса Оьмар МахИаммадов.

6 лаж.



№4 (2270)

31 ЯНВАРЬ 2025 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит булкай бивкссар 1917 ш. Цунил итабакълан бивкссар 1991ш.

Владимир Путин хъунаавкъунни Дагъусттаннал бакIчи Сергей Меликовлушчал



Январданул 29-ний Кремлилув Аьрасатнал президент Владимир Путин хъунаавкъунни Дагъусттаннал бакIчи Сергей Меликовлушчал.

Республикалул каялувчинал паччахIлугърал бакIчинахъ бусунни регионалийсса тагъардания, экономикалул лябуккулул ва дагъусттанлувтурал оьрмулул даража лавай баврил цIаний дуллалисса давуртгая.

Ларгсса шинал давурттал

хIасиллу дулла, Сергей Меликовлул тIимунийну, Дагъусттан хIакъину хъхъичунмай хъанай бур шала билаятрашчал архIал. 2024-ку шинал 11 зурул ккаккярттайн буну, промышленностьраву лябукку хъуну бур 6,5 процентрал, шярваллил хозяйствалуву – 7

процентраргу ххишаласса.«Яла хъунмур хъхъичуннайшиву му дур - жуша бювхъунни лахъ буну зуалтрал харжру. Экономикалуву харжру лахъ хъунни 15 процентрал, цIана дур 40 азарда къуруш. Ми бур номиналну ккаккан бунми, хIакъмур, канихъхъун булаймур харж бур 4,1- 4,2 процентрал лахъ бувсса», – кунни Дагъусттаннал бакIчинал.

Ахир 2 лаж. →

Бюхттулсса Ххувшаву ларсун 80 шинал хасну жула билаятрай баян бувсса Ватан дуруччул шинал лагрулий, Ватан дуруччул кьинилун хасну, СВО байбивхъуну 3 шин там шаврил хъунийн «Илчи» кказитрал баян буллалиссар Чувшиврул ордендалул кавалер, СВО-лий ватандалул ххуллий чувшиврий жан дуллусса Алик Гъазиевлул аьпалун цIа куска оьрчIал лакку мазрай дюхханну СВО-лул темалул назмурду дуккавил конкурс.

Назмурду дуккавил конкурс

Конкурсрал учредитель хъанай бур «Илчи» кказитрал отделданул редактор, Алик Гъазиевлул ниттирессу Зулайхат Тахакъаева.

Ххув хъуминнан дипломру ва бахшишру дулунтIиссар Зулайхатлул харжлугърах.

Цалчинмур кIану булунтIиссар ца инсаннан (10 азарда къуруш), кIилчинмур – кIиннан (ххю-ххюазарда къуруш), шамилчинмур – шамуннан (шаншаназарда къуруш).

ДикIантIиссар тамашачитурал язи увгъума хIисаврайсса личIисса премия – телеграм каналданий яла чIявусса чIу бавтIнан 5000 къуруш.

ОьрчIру назмурду ккалаккисса видеорду гъан дуvara, бюхъавай, телеграм-каналданийхчин: @ilchi_info_bot (https://t.me/ilchi_info_bot). Агарда телеграм-канал дакъахъурча, бучIиссар ватсапрайн ва номерданий гъан дувангу: 8 988-466-28-41

Чара бакъа ккаккан дурну дикIан аьркинссар назму ккалаккисса оьрчIал цIа, фамилия, буттал шярвалу, цими шин дуссаривгу. Шагърудайминнал цивппа дуклакисса школардал номердугу.



Ххув хъусса оьрчIру конкурсрайн хIадур бувсса учительтуран (ниттил хIадур увхъурча, ниттин) булунтIиссар Барчаллагърал чагъарду хIисаврайсса дипломругу.

ТIалавшинна: видеорду ккалаккиманал чIубаянну, бунчIинну, аьлагъужа къабагъанну, ххуйну чIаланну дикIан аьркинссар!

Назмулул цIагу, авторнал цIагу чара бакъа чичин аьркинссар!

Видеорду къамул дуллалиссару февраль зурул ахирданийнин.

ЯЛУГЪЛАГЪИССАРУ!

Премьернал ДГТУ-луву барча бунни студентътал

Студентътурал бусунни робототехникалул кумаграцIух шярваллил хозяйствалул давуртту хъхъичуннай хъунтIисса чаранная. ДукIу ва вузраву тIивтIуссар «Технолет» тIисса, БПЛА-лул оператортал ва техниктал хIадур буллалисса центр. Педагогикалул университетрал студентътурал вузрал технопаркрал гъанулий дартIсса БПЛА ккаккан дунни.

Аьрасатнал студентътурал байрандалул хъхъичI кьини Дагъусттаннал ХIукуматрал хъунама Аьбдулмуслим Аьбдулмуслимов ивунни ДГТУ-лувун. Ванал ххал дунни республикалул вузирдал техникалул хъхъичIуншивурттал выставка, барча бунни студентътал. Ванашал бия вице-премьер Муслим Телякавов, жагъилтурал министр Камил Сяидов, Халкъуннал Мажлисрал комитетрал хъунмур Елена Павлюченко. ДГТУ-рал ва ДГПУ-рал студентътурал хъамаллурал ккаккан дунни цалла карунних дартIсса агророботру ва дронну.

Ва вузравугу робототехникалул курсу буссар. Дагъусттаннал

бакIчи Сергей Меликовлул ва министртурал цIания студентъ-

тал барча булла, премьернал кIицI лавгунни, Дагъусттаннай ларайсса кIушиву ласлай бушиву 140 азарунниха ливчусса студентътал, гъар шинах 29 азара выпускник икIайшиву.

ДГТУ-рал ректор Назим Баламирзоевлул кIицI лавгунни, Аьрасатнал студентътурал байран-кьини цIакъ дурну гъашину 20 шин хъанай душиву, Дагъусттаннал хъуниминнал

студентътурал масъаларттах мундангу хъуннасса къулагъас душиву.

Премьернал барча бунни дуняллул халкъуннал ва Аьрасатнал лагрулийсса конкурсирттай хъхъичIун ливчусса, грантру ларьсса студентътал, жагъилсса аьлимтал ва волонтертал.

ПатIимат РАМАЗАНОВА

Владимир Путин хьунаавкьунни Дагъусттаннал бакIчи Сергей Меликовлуцал

→ Дайдихьу 1 лаж.

Регионалул бакIчинал бусаврийну, тамансса давуртту дуллай бур чIявусса ишбажаранчитал «ххютуйсса схемартава» буккан баврин хаснугу.

Основной капиталданувунсса инвестициярдал лагру 2024-ку шинал 9 зурул мутталей хьун хьуну дур 16 процентрал, 2023-ку шинал вара чIумух бурвугун. Экономикалул лябукку хьуну бур 100 процентраха ливчусса.

Республикалул каялувчинал бусунни Дагъусттаннал бюджет бартбивгьуну бушиву 97,6 процентрал. Мунийну республикалул бугьуну бур 14-мур кIану АФ-лул циняв субъектирдал дянив. Федерал программартгал задачартту бартбигьаврияр ххишала, дузрайндуккан дуллай бур мукунна республикалул инвестициярдал программагу. Мунил кумаграйну бюджетрал дакъами арцух буну бур социал ва инженер инфраструктуралул 222 объект. СКФО лябуккан баврил социал-экономикалул программалийну Дагъусттаннай бартдигьлай бур 6 прорывной проект. Ми хьанай дур 30-ха лирчусса личи-личисса журалул подпротекту – промышленностьрал предприятиярттая тIайла хьуну, агропромышленностьрал комплексрал лябуккулийн бианца. Микку 2 шинал мутталей дузал буну бур сайки 3 азарва зузи кIану. Сергей Меликовлул бусунни АПК-лул бутIувусса хьхьичIуннайшивурттаятугу. Шяраваллил хьайствалул лябуккулул лагрулий буллай бур ахьулсаннул ва кьюмайIутIул багьру, гьарта дуллай бур пширнжу бугьайсса хьуру, буллай бур питомнику. Яла хьунмур пуннукурал багь бур Сулайман-Стальскаллал райондалий. Ганил лагру дур 2,5 азарда гектар, га бур яла хьунмур пуннукурал багь, билаятрай бакьасса, шала Европанавугу.

ХьхьичIуннайшиву хьуну дур кьюмайIутIу ххях-

хан бавривугу. Ларгсса шинал ларсун дур кьюмайIутIул рекордрал бакIлахьру – 300 азарда тонналуха лирчусса. КьюмайIутIу бугьусса аьршарал лагру хIасавну республикалул билаятрай 2-мур кIану бугьлай бур Краснодардал крайрал хьирив.

Владимир Путиннул хьин чулийсса кьимат бившунни мунил хIасилданун: «КьюмайIутIул бакIлахьру ласаву – 42,1 процент Аьрасатнаву ласайсса цинярда бакIлахьрулуву. Сайки дачИ», – кунни президентнал.

«Совет ХIукуматрая махьсса шиннардий жу цалчин ларсарду Совет Союзрал чIумал куннасса кьюмайIутIул бакIлахьру. Амма хьамабитлай бакьар шяраваллил хьайствалул цаймигу журадаву лябукку буллан аьркиншиву. ХьхьичIуннайшивуртту хьундуллай буру пширнжу бугьавриву, ахьулсса ва ахьилсса ххяххан давриву, дикI ва ппал ласавриву», – кунни регионалул каялувчинал.

Субъектрал каялувчинал тIимунийну, ларгсса шинал тамансса хIарачат бувссар ахьулсса ва ахьилсса ядайсса кьятри давривугу. «2022-ку шинал жу ядайссия 5 азарда тонна, 2024-2025-ку шиннардий пландалий бур 50 азарда тонна ядулансса сант хьун дуван», – кунни Сергей Меликовлул.

Республикалул каялувчинал бусунни промышленностьравусса лябуккулул хIакьиравугу. Махьсса мукьра шинал мутталей зузи буну бур цIусса ттизаманнул промышленностьрал 9 объект. Миннувацца бур пюрундалул ххаллу дайсса, шарду буккан байсса завод. Ларгсса шинал кьулбасру дурну дур янна шачайсса, пюрундалул ххаллу дуккан дайсса Аьрасатнал ва УзбакIнал цачIусса предприятие бан. Му бакьассагу, тIивтIуну бур Дагъусттаннан хьуннасса агьамшиву дусса полимердал турбарду буккан байсса предприятие «Эксонор». Сергей Меликовлул бусунни регионалий электроэ-

нергия биялну буккан буллай бакьашиврул хIакьиравугу. Республикалул бакIчинал бусунни му масъала дузал баншиврул дурсса ва дуллалисса давурттаятугу. 2022-ку шинал Дагъусттаннал Ухссавнил чулий буну бур 15 МВт бусса бургьий электростанция, ларгмур шинал октябрданий Дарбантул райондалий буллай байбивхьуну бур 102 МВт бусса бургьий электростанция. Ноябрьданий тIурча Росатомршачал цачIу байбивхьуну бур бартдигьлан 300 МВт дусса ЦIуссалакрал мурчай электростанция баврил проект. Микку дузал хьунтIий бур 70 зузи кIану. Республикалул бакIчинал бусунни туризм лядуккавил хIакьиравугу. Республикалул хьунаманал бусаврийну, ларгсса шинал регионалийн бугьIун бур сайки 2 млн туристьтурал. Ва бутIувусса хьунмур проект хьанай дур «Хьюва хьхьери ва Байкал бя» федерал программалул лагрулий Каспий хьхьирил зуманий кластер баву.

ХIакьинусса кьини буллай бур 28 патир.

ЛичIину ххал бивхьунни СВО-лий гьуртту хьанахьисса дагъусттанлувтуран ва миннал кулпатирттан кумаг баврил масъала. «На вихь барчаллагу учин ччай ура МахIаммад Исбакиевлухлу. Ва буниялагу лайкьсса хIаписарди», – кунни регионалул бакIчинал президентнахь.

Сергей Меликовлул бусунни СВО-лий гьуртту хьанахьисса цаймигу аьралийтурал бусса гьунардая ва мукунна миннан ва миннал кулпатиртан буллалисса кумагирттая, ливтIусса аьралийтурал цIа абад даву мурадрай дуллалисса давурттая. «Хасьсса аьралий операциялул гьурттухитурал иширттах хьуннасса кьулагьас дуллан аьркинссар муданна. ОьрчIру мунил лайкьссар. Ми хьамамабитару», – увкунни паччахIлугьрал бакIчинал хьунабакьаврил ахирданий.

**ХIадур бувссар
ХI. АБДИЛОВЛУЛ**

Январданул 23-ний ДР-лул ХIукуматрал председатель Аьбдулмуслим Аьбдулмуслимовлул бусса хIукмулийн буну, ДР-лул транспортрал ва ххулурдал хьайствалул министрнал хьиривчуну ивтунни лаккучу, ЧIайннал шяравасса Загьидинал арс Саэд Рамазанов.

Кабакьиннав вицIун

Ва кьуллугьрай итаннин Саэд уссия Совет Союзрал кIийла Виричу АхIмад-Хан Султаннул цIанийсса МахIачкьалаллал аэропортрал хьунаману. Шикку зузисса хIаллайгу, зун гьирагу, даврил опытту бусса, цува зузисса даврийгу, агьалинангу бусравсса, жагьилсса пишкакарнал чIярусса давуртту дурссар.

Саэд Рамазановлул бюхьугьунардания кIулми вихшала дирхьуну бур чIумуцIун бавхIуну кьуццу тIисса, даврил масъалартту чулийн буккан байсса пишкакар ушиврий.

Шиккува кIицI лаган, ва цувагу лакку мазгу, миллатгу ххирасса патриот ур.

Ча тIий буру Саэдлул цIакьсса цIуллушиву, оьрмулуву тIайлабацIу. Занналгу каба-



Саэд Рамазанов

кьиннав вицIун, вил гьунаргу, кьудратту диял хьуннав кьуллугьрал бурж лажин кIялану биттур буллан.

Имара САИДОВА

Шагьрулул спортрал тарих

Январданул 29-ний МахIачкьалаллал музейраву тIиртIунни «Физкульт-привет, Махачкала!» тIисса цIанилусса выставка. Ванил сиптачитал бур шагьрулул администрация ва Культуралул управление.

Выставка
**Физкульт-привет,
Махачкала!**
29 января –
15 апреля 2025



МУЗЕЙ МАХАЧКАЛЫ

Выставка хас дурну дур шагьрулул спортрал авадансса ирсиран, цувгу чIалачИ бусса суратирттай (дирхьуссагу, ларсьсагу).

Экспозициялий дур 100-нния лирчусса экспонатру. Вайнуйн

буну тамашачитуран кIул хьанай бур чIярусса шиннардил мутталей шагьрулий спортрал оьрмулуву хьанай бивкIумур, спорт хьхьичIуннай хьанай диркIсса куц, совет шиннардий шагьрулийсса ва республикалийсса физкультуралул ва спортрал суккушиннарая, спортрал культуралая. Суратирттая бургулай бур цIа дурксса спортсментал. Каккьялун дирхьуну дур шагьрулул спорттрацIун дархIусса цайми-цайми затругу, документругу.

Ва проект шаллу давриву, цалла фондирттавацца суратру ва цаймигу материаллу дуллуно, чIарав бавцIуну бур Дагъусттан Республикалул ЦГА, А. Тахо-Годил цIанийсса Национал музей, П.С. ХIамзатовал цIанийсса ДМИИ, Дагъусттаннал Спортрал музей.

Выставка дикIантIиссар апрельданул 15-ннийнин.

Бадрижамал АБЛИЕВА

Республикалул лябуккулул программа «Зунттал кьучагьшиву»

Программа дузал дурну дур регионалул бакIчинал. Ва программа хьанахьиссар «Вирттарал чIун» («Время героев») тIисса федерал программа куннасса жула регионалулмур программа (аналог). Ва бартдигьлагьиссар Аьрасатнал президент Владимир Путиннул сипталайну ва хьанахьиссар СВО-лул пагьму-гьунар бусса гьурттухитурал кабакьулунсса ца яла хьунмур проект.

Федерал программалул цалчинмур потокрал финалистгал уттигу дуклайна бур, ми хIадур буллай бур федерал ва регионалул даражалий жаваблусса паччахIлугьрал кьуллугьирттай зун.

Президентнал программалий-

Январданул 27-ний ДР-лул БакIчинал ва ХIукуматрал Администрациялул каялувчи МахIач Оьмаровлул дунни «Зунттал кьучагьшиву» («Доблесть гор») тIисса республикалул лябуккулул программалувусса мероприятияртту дайдишаврин хасьсса зузи группалул цалчинсса заседание.

сса дуккаву кьуртал дурминнавацца ца ур дагъусттанлул – Аьрасатнал Виричу Темирлан АбуТалимов. Цанасса спурттуву ва ур стажировкалий ДР-лул БакIчинал ва ХIукуматрал Администрациялий регионалул бакIчинал каялувшиврийну.

Федерал программа шурущи дурну махь Республикалул каялувчинал тапшур бунни укунсса программа бартдигьин регионалул даражалийгу.

- Зун цинявннан кIулссар, цукунсса кьулагьас дуллай буссарив хасьсса аьралий операциялул гьурттухитурал кабакьуллул масъалартгах. СВО-лий гьуртту хьанахьисса дагъусттанлувтуравасса чIявуминнан ччай бур зун паччахIлугьрал ва муниципал управлениялуву. Микку зуншиврул, хасьсса кIушливу дикIан аьркинни. Жула хьунмур масъалану хьанахьиссар проект бартдигьавриву шаллу дуван тIайлашиву

ва аьчухшиву, – увкунни МахIач Оьмаровлул.

Программалул мероприятияртту хIадур даврил хIакьираву бусунни ДР-лул БакIчинал ПаччахIлугьрал кьуллугьрал, кадрардал ва паччахIлугьрал наградартгал управлениялул хьунмур Земфира Кьашкьаевал. Ванил тIимунийну, программалул хьунмур мурадхьанай бур Дагъусттаннаясса СВО-лул гьурттухитурала ва ветерантурава багIул баву лавайсса даражалул управлениялул потенциал буми ва мукунна ми хIадур баву личи-личисса даражардал республикалул идарарттаву зун.

Регионалулцифралул лябуккулул министр Юрий ХIамзатовлул,

ДР-лул БакIчинал Администрациялул каялувчинал хьиривчу – ДР-лул БакIчинал Информациялул политикалул ва прессалул кьуллугьрал управлениялул каялувчи Рашид Акавовлул бусаврийну, цIанасса спурттуву цIакь буну бур «Зунттал кьучагьшиву» программалул гьануми документру, хIадур буну бур гьурттухитурал давурттан кьимат бишайсса регионалул экспертгал, дузал дурну дур программалул официал символика, кьуртал дуллай бур проектрал бренд даврил давуртту, хIадур дуллай бур аьркинсса полиграфиялул продукция.

**ХIадур бувссар
ХI. АБДИЛОВЛУЛ**

Къучагънал гъавасращал дунияллийн увксса

Миллат чившиврх къабурвгун, яла чйвусса чиваркI лавгун бивкIун бур жула лахрава цала хушрай Буттал КIанттул цIанийсса Хъунмасса дъявилул шиннардий Ватан душманная дурччин. Чйвур хIакъинугу Украиннал аьршарай нанисса хасъсса аьралий операциялий цала хушрай яла цIу кIириний къучагъшивуртту ккаккан дуллалисса лакрал жагьилтал.

Хасъсса аьралий операция байбивхъуну цалчинсса зурдардий-ва лавгун, хIакъинунин Украиннал аьршарай паччахIдугьрал мурадру буручлай ур Карашрал шяраватусса Мусал ва Зубайдатлул арс Шяъван Жамалуттинов.

Аьралий иширттаву ккаккан дурсса къучагъшивурттаху лайкъ хъуну ур паччахIдугьрал шанна ларайсса наградалун – Чувшиврл ордендалун, Жуковлул медальданун ва «За образцовое исполнение воинского долга» медальданун. Ттигъанну тIурча ванан дуллуну дур ца ттигу награда – «Дагъусттаннал халкъуннал Виричу» тIисса ларайсса цIа.

Ватан дуручайманал къини дуняллийн увксса Шяъваннул оьтту-ттурчIавура духъунсиса Ватандалухсса ччавугу, къучагъшивурл гъавасгу, чувшивугу. Февральданул 23-нний дахра оьрмулул 21 шин бартларгсса жагьилнал, гъунтти хасъсса аьралий операция байбивхъусса къинива хIукму бивну бур ватандалул мурадру буруччаврил ххуллий талан гъан. Оьрму аьралий къуллугърацIун бахIинсса пикрилий ивкIун ур аьраличунал бурж лахълай унийва. Дагъусттаннал паччахIдугьрал университетрал юридический ва географиялул факультетирттай ккалаккисса студент, кIива курс къуртал байхту, 2021-ку шинал цала хушрай лавгун ур аьралий бурж лахъан. Къуллугъ буллаи ивкIун ур Камчаткалий 40-мур Краснодарско-Харбинский ЯтIул Ттугълил бригадалул хъхьирил пехоталу-ву (хасъсса аьралий операциялий Угледар, Попасная, Гостомель КIанттурду лавсун махъ, Аьрасатнал президент В. Путиннул ва бригадалун дуллуну дур «Гвардейская» тIисса цIа).

Аьралий бурж лавхъун махъ, тиккува ацIан ччай, контракт чичин, ацIилваксса рапорт буллуну бур. Амма, аьралийтал биялну бур тIий, контрактгу къачирчуну, зана хъуну ур шавай. ДачIи шиннарагу чIарах дукканнин, байбивхъуну бур Украиннал аьршарай хасъсса аьралий операция. Шяъваннулгу, гавацIана батареялул командирначIан оьвкуну, бувсун бур цува ватандалул мурадру буруччаврил ххуллий талан хIадурну ушиву.

КIива барз медкомиссия буллайгу лавгун, майрай контракт чирчуну дур. КIира нюзмардий БТР-даний талансса хIадуршиннагу лархъуну, тIайла увккун ур хасъсса аьралий операция нанисса кIанттайн. Агъну ур та яла цIу кIирисса Угледардайн.

Тикку талаи ивкIун ур дачIи шиная. Щаву дирну, госпиталлай хьин хъанай ивкIун ур. Цува хасъсса аьралий операциялийн най ушиву нитти-буттая къюлтI бивну бур, гайннан кIул хъуну бур ва госпитальданий хьин хъанхъисса чIумал.



Шяъван Жамалуттинов

Реабилитациялия махъ, кIилчингу тихунай лавгун ур. Тани ванашал Ккуллал шяраватусса Магъдиев Мурадгу архIал ивзун ур. Га базилухъ Шяъван пулеметрай ивтун ур.

«На усса расчетраву жу мукъа ияв: ттушал яручу, къумукъ ва оьрус. Мукъагу дагъусттанчу цачIу икIаншиврул, ттун ччай бия оьруснахлу Мурад жучIана уцин. Амма мукунсса мутта жухъхъун Заннал къабуллуна. Ца гъужумраву ттуйн захIматсса шаву дируна, Мурад тIурча оьрмулуца хъуну ия. Дъявилый аьралий гьалмахтурахсса ччаву куртIсса дикIайсса дур. Гайннал бакIрая чIара дагъар цува ивкIуну хъурдай тIий икIайсса ур. Мурадлул ниттил ттучIанма оьвчайхту, мукунсса асар ттул дакIнивугу бия», – дакIнийн бутлай ур Шяъван.

Ази лагайхту, цIунилгу тихунай авчуну ур Шяъван, чурххаву дукъарккун лирчIсса цIалциивгу дунура. Ва базилухъ аьралий частрал хъунаманал, ттигу цIу кIиринийн тIайла уккан цIими хъанай бур тIий, Белгородрайн дазул мюхчаншиву дуручлан тIайла увккун ур. Тикку цал чIавама сержантнал, яла сержантнал чинданийн лавхъун ур. Ца шин тиккугу дурну, тIайла увккун ур Курскалийн. Гъинттул хасъсса аьралий операция нанисса кIира ва дачIи шинал мутталай учIанагу цалчин игъалаган увкIсса Шяъван, кIивагу факультет къуртал бувшиврл дипломругу лавсун, цIунилгу хасъсса аьралий операциялийн зана хъуну ур. ХIакъину ва аьралий къуллугъ буллаи ур Донецкалал областьрай.

ДакIнийхтуну барча тIий Шяъваннухъ ларайсса цIа, чIа тIий буру, ччясса мутталай хасъсса аьралий операциягу къуртал хъуну, вагу, жула цинявппа чиваркIгу сагъ-саламатну цала нитти-буттал, кулпатирттал ялун бивкIун ккаккаву!

Зулайхат ТАХАКЪАЕВА

ЦIанасса чIумал, мюрши-хъуни къакуну, дуклаки оьрчIая байбивхъуну, хъуни къуллугъчитурайн бияннин, шайма шаймур буллаи ур СВО-лийсса жулва аьралийтуран кумагиран. Уттигъанну КIундиннал шяраватусса Низами Умаров, Арслан Оьмариев ва Ислам Аллаев лавгунни «Газель-фермер» машина бувцIусса къайкъуй жулва аьралийтурачIан диян дуван. Ва ххуллухъсса къайкъуй хъунмурчIин дия «Шагъру Избербаш» шагърудул округрал бакIчи Расул Бакаевлул сипталайну ва Избербаш шагърудул администрациялий зузисса жула гъумучиричув Мурад Шахшаевлул хIадур дурсса. Вай аьркиннийн диян даву тIурча, цала бакIрайн лавсуна лавай кIинцI лавгсса КIундиннал вакилтурал, ххуллун-харжгу цала бартбивгуну.

Ссайгъатирттащалсса хIаж

«Цуксса захIматну бунугу,
цIуру-кIуру тIисса цучIав акъая»



Низами Умаров



Избербаш шагърулиясса къайкъуйлувух дия тих ххишала дакъа дучину лякъинтIисса затру: дуки-хIачIия, гъили янна, гъилисса виргъанну, майлул чирахъру, медицинаментру ва чIярусса цаймигу затру.

Тихун буза гъан буллалисса кIул хъувкун, КIундиннал шяраватусса тамансса инсантурал вайннуцIун цашара шаймургу тIайла дурккунни – ккурккимайртту, къаркъдикI, уттуллу (личIи-личIисса), турт ва цаймигу затру.

– Ва ххуллухъгу хъунмасса кумаг бивунни личIи-личIисса кIанттурдай ялапар хъанхъисса КIундиннал: Хасаврайсса ХIаж Абдуллаевлул, Вали Валиевлул, Аьзиз Аллаевлул, Нальчикрайсса Аьлил МахIаммадовлул, Шамхаллайсса Арслан Оьмариевлул, Аьдил-Янгъиюртливсса Ислам Аллаевлул, Избербашрайсса Багъдан Ибрагъимовлул, МахIачкъалаливсса Илияс Кариовлул, Бахрам Мирзаевлул, Муслим ХIажиевлул, МахIаммадвакил Дадаевлул.

ХIажинал ва Муслимлул жухъхъун ххуллийн бивхъуна шагънал лачIал гъавккурттащалсса, дикIушалсса хъунма кIункIур ва пулаврал къазан-кIункIур. Жу вай, ххуллийх жувагу бив-

куну, тихминнайхгу бачIарду. Цуликъяниятусса Марзил гъан бивна окопрал чирахъру, Шахъватусса Лидиял дуллуна маскировочный къертту, Карашрал МахIаммадул (ЧанкIуев) тIайла дурккуна нацIу-къашIу. Мукунма, цалва-цалва гъанчунан куну, шайнал шайсса дуки-хIачIиялушалсса къуршив бивхъуна жухъхъун. Хъунмасса барчалагъ тIий ура тихун бачинсса сипталушал ттуцIунма бавкъусса Арслан Оьмариевлухъ ва Ислам Аллаевлухъ. Исламлул «Газель-фермер» хъинну хIалусса бия къай-къуй дишингу, пассажирнан цанмагу, – буслай ур Низами Умаров.

Вайннал тихун ларсун нанимур, шихра дурусну урчIа бутIуйх дарчIуну, къуршаву дирхъуну дур, урчIа инсанначIан диян дувансса ниятрай. БувчIлачIисса зат бур урчIагу инсанначIан дирмур тайнналгу цашалваксса, цалва лагма-ялттуса циминнайхгу дачIайсса душиву. Жулва аьралийтуран яла-яла бусрав шайсса дур къаркъдикI, ккурккимайртту, уттуллу. Тайннал вай цашалла архнийнгу ласайсса дур, авлахърай, микку-тикку, захIматсса шартIирдай, я чара, я хIалу дакъасса чIумал зумув дишаван.



Ххуллийх 6 гъантлий Низамил, Арсланнул ва Исламлул диртун дур 4500 километра. Бивну бур цIусса мукъвагу областьрайн. Тих талатисса, цайми-цайми бигарду шаллу буллалисса цинявппагу кIундинначIан бивну бур, так Курский областьрайсса ца аьраличув личIаннин, та лапва архну уну. Ихтияр дуллалиссаксса, бучIиссаксса гъанну лагайсса бивкIун бур.

Бахшиширттащал бивну бур аьрай ппу ивкIусса ца оьрус душнил кулпатравунгу.

ЦинявнначIах бивккун махъ, бивну бур Херсонскалал областьрайсса Скадовск шагърулул азарханалийн, тикку хIакъинну зузисса кIундиричув Барат ХъунбуттаевлулчIан. Ваналвай хъамалу къабувну, гъанта къабивкIун къайтабавкъуну бур.

– Жу бучIаврия ххари къавхъусса къаливчIунни. Ца кIанай

кIундириоьрчIашал архIал талатисса ца къалмукънал увкуну, къалмукъчай ларсун бивкIиниракъай куну. Дуссархха тIисса жул мукъуйн вих хъанай акъая оьрчI, къурши тIивтIуну, гиву «Хан-чайлул» къуцуртту къаккакссаксса. Къалмукъчайлул ца упаковкагу канил дургъуну, ххарил ивчIавай, тайминнан ккаккан дуллан ивкIунни: «Это самый лучший на земле чай!» – тIий. Укун ца чIирисса затрая хъинну ххари хъусса ишругу хъанай бия. Цуксса захIматну бунугу, цIуру-кIуру тIисса, аьзирайсса, шикаятрайсса цучIав акъая. Къанкъану бавцIуну бия.

Аьркинмунил, шайнал шаймур буллаи, щаллу буллаи бунугу, жунма хIисав хъусса кушуй, кумаг бувансса кIанттурду ттигу личIлай бия. Масалдаран, чIяру къахъунсиса, агарда жушара тихун гъан дуван хъурча вай затру: машинартту (Нива ва УАЗ), дрондетекторду (Булат 4), дронну (Мавик 3 ва Мавик 3Т), антидронный плащру, термобелье, теплоvisorду, ттизаманнул бронезильтру ва м.п. Балики, кумаг буван бюхъайсса, кумаг буван ччисса ухъурча, жуша хъунсар аьркинмур тихун диян дуван ягу жулва аьралийтурачIан диянсса кушуй гъан дувансса къайда бусан, – тIий ур Низами.

Бадрижамал АЬЛИЕВА

Цуссалакрал райондалия

Чувшиврул дарсеру

Цуссалакрал райондалийсса Аьхьардал школалий 3-мур класрал дуклаки оьрчлахь Чувшиврул дарс дирхьунни. Шикку гьуртту хьунни хасьсса аьралий операциялия шавай игьалаган увкьсса, Минкаилдул арс Назар Сулайманов. Ва класраву дуклай бур Назардул душ Самирагу.



Чувшиврул дарс хас дурну дия Аьрасатнаву баян бувсса Ватан дуруччул шинан. Ванилагьаммур мурадгу хьанахьиссар ялун нанисса ник Ватан ххирану, тарих-

рал кьимат буну тарбия даву.

Дарсирай оьрчлахь балжину бувсунни Украиннал аьршарай неонацизм духлаган даву мурадрай баян бувсса хасьсса аьра-

лий операциялия, цалчинсса гьантрая байбивхьуну, аьралий буржру лайкьну бартбигьлагьисса, мобилизоват бувсса, контракт чирчуну ва хушрай лавгьсса аьралийтурая.

Назар Сулаймановулгу бувсунни аьралитурал дуллалисса кьучагьшивурттая:

– Жула аьралийтал буссар кьучагьну талай, Ватандалул мурадду дакI тйайлану бартбигьлай. Вайннал тасттикь бунни цивпа кьанкьасса низам дусса, бувсса амру биттур бан хIадурсса патриотьтал бушиву. Укунсса кьучагьтал буссакьсса, жула аьршарайн душманнал ша кьабизантиссар. Шак бакьар ххувшаву жура ласунтIишиврийн, – увкунни ванал.

Назар ур халкьуннал паракьатшиву дуруччаврил цаний нигь-цахь бакьа талатисса кьучагь, жагьилсса никيران эьратрансса Виричу.

Аьралий бигарду кьучагьну бартбигьаврихлу Назар Сулаймановлун дуллуну дур паччахIугьрал ларайсса награда – Кьучагьшиврул орден.

Чувшиврул дарсирай оьрчIал суалду буллунни Назардухьун.

Ахирданий цинявннал риршунни дакIний личIансса суратру.

Ккуллал райондалия

Кьянкьашиврул

ва чувшиврул

лишанну хьанахьисса

«Блокадалул ччатI»



Ккуллал райондалул Культуралул управлениядул зузалт гьуртту хьунни «Блокадалул ччатI» тIисса шалвагу Аьрасатнал акциялувух. Гьашину 81 шин там хьунни Ленинград фашистьтурал блокадалуца мурахас буну. Тарихраву агьамьсса кIану бувгьусса кьинилун хас дурсса мероприятие кIицI ларгунни Культуралул управлениядул хIаятраву тIивтIусса, дяьвилул иширттаву ва кьуллугьрал бурж биттур буллай жанну дуллусса Виртгаврал аьпа абад буллалисса аллялий.

Акциялул агьаммур мурад хьанай бур ялун нанисса ник патриот зумуну тарбия даву, Буттал КIанттул цанийсса Хьун дяьвилул яла кьучагьмур ва захIматмур лажин хьамакьаритаву.

Шикку дуклаки оьрчлахь бувсунни Ленинградулал агьалинал дурсса чувшивурттая, захIматьсса кьинирдая. Жула тархьаншиврул

цаний жанну дуллуминнал аьпалун баян бунни минутIрайсса пахь багьаву.

КIицI лаган, гьарица шинах акция бувайссар Буттал КIанттул цанийсса Хьунмасса дяьвиллий жанну дуллуми дакIнин бичаву, жагьилтал Ватан ххирану тарбия баву, миннавун жула тарих ва культура яданьсса гьира бутаву мурадрай.

АьралийтурачIан цимилагу ивунни

Цуссалакрал райондалийсса Чапаево шьравасса, АьФ-дул Думалул депутатнал кумагчи, Рамазан Хайдакьов лавгунни Курсккалал областьрайсса «Ветеран» тIисса штурмовой бригадалун гуманитар кумаг биян бунан. Шикку ва хьунаавкьунни Ватандалул мурадду бурччалисса аьралийтурачал, цIухху-бусу бунни вайннан ци аьркинну дуссарив, ссах мюхтажну буссарив.

Рамазан аьралийтурачIан лавсун лавгун ур беспилотникру.

Аьралийтурал дакIнийхуну барчаллагь увкунни сахара дуллалисса аякьалухлу ва кIицI лавгунни, укунсса давурттал, ххув-

шаву гьан дуллай, хьхьичIунмай бачиньсса гьавас бутлатишиву.

Рамазан Хайдакьов хасьсса аьралий операциялул гьуртту-читуран чялишну кумаг булла-лиминнавасса ца хьанай ур. Ва цимилагу гуманитар кумаг биян



бан лавгун ур СВО-лийн ва госпитальлай хьин хьанахьисса аьралийтурачIан.

Аьпалул акциялувух

гьуртту хьунни

Тарихраву агьамьсса кIану бувгьусса Ленинград шагьрулул блокадалул ахир хьунну 81 шин шаврин хас дурсса мероприятиртту хьунни Ккуллал райондалийсса кIушивуртту дулаврил ва культуралул идарарттай. Аьрасатнал лагрулийсса «Блокадалул ччатI» тIисса акциялувух хIала бувххунни ЧIайннал Магьирлуьгал кьатрал хьунмур СалихIат Алхасова.



Буттал КIанттул цанийсса Хьун дяьвилул яла кьучагьмур ва захIматмур лажин хьамакьаритаву мурадрайсса мероприятие хIадур дурну дия СалихIатлул.

Акциялул агьаммур лишанну хьунни 125 грамм дусса ччатIул парча. Гьамин, блокадалул чIумал вана вара кьаралданул ччатI булайсса бивкIссар ца бакIран.

Ва чIивисса ччатIул парча хьанахьиссар тай захIматьсса

чIунну дурхIусса инсантурал кьянкьашиврул ва чувшиврул лишанну.

Ленинградулал блокадалия бувсунни Ккуллал райондалул «ЧаннацIуку» кказитрал корреспондент Арсен Аьбдулаевлул.

Ленинградулал агьалинал лархьсса захIматьсса кьинирдая бувсунни СалихIатлул цилвагу.

Лажин хIадур дурссар
Имара САИДОВАЛ

Бусравсса цIанин лайкь хьунни

Цуссалакрал райондалия Запорожскалал областьрайн учительну зун гьан увсса тренер Герман Муслимов лайкь хьунни «Тренер года» тIисса бусравсса цIанин.



Ва награда лайкь дунни Германнул дакIнийхтунусса

захIматрайну ва спортраву хьун дурсса хьхьичIуньсса ккаккиарт-

тайну. Гьашину шамилчиньсса шинни Германнул Запорожскалал областьрайсса Мелитополь шагьрулийсса 11-мур школалий самболул секция сакин буну. Шиккува кIицI лаган, Германнул, «Самбо в школу» тIисса программалийн буну, Мелитополь шагьрулий цалчин тIивтIуну бур самболул секция.

Ванал тарбиячитурал Москваулал областьрай, Кьиримнаву ва цаймигу кIанттурдай хьусса соревнованиярттай цимилагу хьхьичIуньсса кIанттурду бувгьуну бур.

Барча уллай буру жула ватанлул лайкьсса наградалушчал.

Барчаллагьран лайкь хьунни

Вай гьантрай АьФ-дул Обороналул министрствалул аьралий госпитальданул клиникалул каялувчитурал, медициналул кьуллугьрал майор Бембеевлул чулухасса Барчаллагьрал чагьар бувкIунни Цуссалакрал райондалийсса Гьамияшьял шьравасса Расул Якьубовлуин.

«Хасьсса аьралий операция наниссакьсса хIаллай, гьуртту-читуран гуманитар кумаг буллалаву жун хьинну асар хьунни.

ХIакьину ина кунма чумартьсса инсантурал дуллалисса давурттан багьа бакьассар. Зу кунмасса патриотьтал махь буссакьсса, ххувшаву ласуньсса вих-

шалагу цIакь хьанай дур. ЧатIий буру вин гьарица ишираву тIайлабацIу», – тIий, чивчуну бур Барчаллагьрал чагьарданий.

ЦIанасса ппурттуву хьуннасса хьар лахьлай бур аьралийтуран кумаг буллай, махь бацIлацIисса инсантал.



Лакрал райондалия

Ватандалухсса ччаврил эбратну хьусса агьлу

Январьданул 27-ний, Ленинград шагьру блокадува буккан буну 81 шин шаврин хасну, Лакрал райондалий хьунни митинг.

Ваний гуртту хьунни администрациялул ва идардарттал зузат, дуклаки оьрчру, «Движение Первых» организациялул КИАНТТУЛ отделениялул активистгал ва ч'ава аьралийтал.

Митинг тИтЛай, райондалул администрациялул бакИчинал хьиривчу Явсупи ХИамзаевлул бавтМиннан даКнин бунтунни КИрахьул шиннардий лахьи ларгсса блокадалул захИматсса шартИрдава лахИан бан к'вавхьуну бунксса Ленинградлул агьалинал виричувшиву ва чумартшиву шала дуняллун эбратну хьушиву.

– Жува бавтГун буру тархьаншиврухлу жанну дуллуми даКнин бичин. Лахьисса ч'умул мутталай блокадалул захИматсса шартИрдава яхьун б'овхьусса Ленинград шагьрулул агьалинал тарбия дурссар жувур гьарцаннаву ватандалухсса ч'чаву, 872 гьантлий лагма рургьусса шагьрулий, душман шагьрулувун уххан итаяр, ккашигу, мякьгу, дяркьугу дурх'усса агьалинал кьадар ца яла агьамсса ишну хьуссар Бутгал КИАНТТУЛ ц'анийсса Хьунмасса дьэвилул шалагу тарихраву.

Жунма тач'ав даКиния кьабуккантИссар жула ялун бучИантГимунил, ватандалул ххулий оьрмурдац'а хьуми, – увкунни ванал.

Муния махь митинграй гуртту хьанахьиминнал ца минутИрайсса пахь багьаврийну даКнин бивчунни Ленинград блокадалува буккан бунми.

Мероприятие кьуртал хьунни Бутгал КИАНТТУЛ ц'анийсса Хьун дьэвилуя зана к'вавхьунминнансса гьайкалдануц'И т'утИв дишаврийну.



«Январь зурул к'був-абс»

1944-ку шинал январьданул 27-мур кьини тарихравун дагьну дур Бутгал КИАНТТУЛ ц'анийсса Хьунмасса дьэвилул ца яла оьмур иширал ахир шаврийну – 1941-ку шинал сентябрьданый байбивхьуну, 2 шин ва 8 зуруй лахьи ларгсса блокадалува Ленинград шагьру мурахас бувсса.

«Январский гром» операция байбивхьуну бур 1944-ку шинал январданул 14-ний ва кьуртал хьуну бур январданул

27-ний. Ва кьини тарихравун дагьну дур душман ххит аврил ххулийсса совет халкьуннал хьхич'уннайшиву х'исаврай.

Ленинград хьуну бур дунялул тарихраву сайки 900 гьантлий блокадалува яхьун б'овхьусса шагьруну.

Вихшалдарал лишанну хьусса ччат'ул касак

Ленинград шагьру блокадалува буккан буну 81 шин

там шаврин хасну Лакрал райондалул школардай, детсадиртай ва цаймигу идардарттай хьунни мероприятияртту, дирхьунни аьпалул дарсеру.

Вай мероприятиярттал мурад хьунни ялун нанисса никирахь лахьисса манзилданый душманнал вив лавсун бивк'сса шагьрулул агьалинал чувшиврия, чумартшиврия ва, яла-ялагу, ватандалийн даК'Илайшиврия, ххувшаву ласаврил ххулий жанну дуллуминна бусаву.

Шардал, Гьумучиял, Шавк'уллал, Хьурттал школардай хьунни акция «Блокадный хлеб».

Акциялий гуртту хьанахьиминнахь бувсунни блокада дусаксса мутталай кьинилун булун ккаккан буну бивк'сса 125 грамм дусса ччат'ул касакрая. Та ччат'ул касакрай тай оьсса гьантрай Ленинградлул агьалинал оьрмулул ва вихшалдарал лишанну хьусса, та ччат'ул касакрал ва ватандалухсса ччаврилли тай бивк'лулул ва зулмулул хьхич'И бак'ру лахИан дан к'абивтсса.

Мероприятиялий бувккунни блокада дурх'уминнал чагьарду. Гуртту хьанахьиминнайх бавч'унни оьрмулул лишанну хьусса 125 грамм лах'лах'исса ччат'ул касакру. Ва хьуна мероприятиялий буминнайн асар

биян бансса ишну.

Шардал школалий ккаккан дунни бусалардавун дагьсса Резо Чхеидзел «Отец солдата» т'исса фильм. Шиву ккаккан буну бур дьэвиллийн арснал хьирив лавгсса гуржиял ца ч'ирисса шьравасса хьунав хьусса хьудугьул кьадар. Дуклаки оьрч'ал асардай лирч'унни бусалардавун агьсса актер Серго Закариадзел даК'нийхтуну цала арснахсса ва ватандалухсса ччаву ккаккан дуллалисса роль.

С. ХИабиевлул ц'анийсса Халкьуннал театрданул райондалул библиотекулул ва оьрч'ал библиотекулул цач'уну бунни «Блокадный хлеб» ва «Радиогазета» т'исса акция.

КИч'Иравух наниминнайх библиотекарттал зузат бач'лай бия кьинилун Ленинградлул агьалинал булун ккаккан буну бивк'сса ччат'ул касакру, тарихраюгу буслай.

Акция сакин буну бия сайки 900 гьантлул мутталай душманнал вив лавсун бивк'сса, дяркьу, ккаши ва мякь бувх'уну, душман шагьрулувун уххан к'ваивтсса Ленинград шагьрулул агьалинал виричувшиврия, кьанкьашиврия, ватандалухсса ччаврия ялун нанисса никирахь бусансса мурадрай.

Библиотекалул зузат буслай бия КИч'Иравух наниминнахь Ленинград шагьрулул агьалинал захИматсса шартИрдай ялапар хьанан ва зун багьлай бивк'ссарив шагьрулул агьалинал. Бувсуна оьрмулул вихшалану хьусса «блокадалул ччат'уягу».

Цуппа ччат'И ц'убут'уй буллай бивк'ун бур х'лакьину байсса кьайдалий. Амма иникьали чан лич'лан дирк'укун, даххана дурну дур мунил хасият. Тай кьанатсса кьинирду бак'рач'ан дирк'иминнан абадий даК'иний ливч'ун бур та ччат'ул т'ин. «Блокадалул ччат'ул» кьарал дирк'ун дур укунсса: 75 % - увал ини-кьаллул, 10 % - букайсса целлюлоза, ливч'Ими - чувалданува ххит.

Ялун нанисса никиран чара бакьа к'улну бивк'ан аьркинссар цуксса кьиматран дарц'уссарив жула ппухьлуннан ххувшаву.

Зулайхат ТАХАКЬАЕВА

Ккурккуллал школалий Виричу даК'инин увтунни

«Единая Россия» партиялул «Есипталайсса «Парта Героя» т'исса шалагу Аьрасатнал к'улшивурттал проектрал лагрулий билаятрал циньяппа школардай дуклаки оьрч'ахь буслай бур жула виртгаврая. Вай гьантрай «Парта Героя» т'ит'лат'исса мероприятие хьунни Ккурккуллал школалийгу.

Ва хас дурну дия хасьсса аьралий операциялий кьуллуьгьрал бурж биттур буллай чувшиврий жан дуллусса, аьпалул хьуну махь Аьрасатнал Виричунал ц'а ларьсса Мах'аммад Исбакиевлул. Парталий дирхьуну дия Виричунал ва мунал наградарттал суратру, муная чивчусса кказит-журналу.

– Бусалдаравун багьсса Дагьусттан. Аьршинияр чувшиву ххишаласса», – куну бур цила ч'умал политикалул ва жяматрал хьхич'унсса ишккакку Надиршагь Хачилаевлул. Мияжаннугу, жула Дагьусттан виртгаврал билаят бур. Мах'аммад Исбакиев хась-



сса аьралий операциялий Аьрасатнал Виричунал ц'а ларьсса 13-сса дагьусттанчу, 3-сса лаккучу хьанай ур, – увкунни мероприятиялул сакиншинначи, оьрус мазрал ва литературалул учительница Гульнара Магьдиевал.

Ванил бувсунни дуклаки

оьрч'ахь Мах'аммад Исбакиевлул оьрмулия ва мунал чувшиврия. Хьирив дуклаки оьрч'ал дурккунни назмурду, ккаккан дунни композицияртту.

ДаК'инин бутан, Аьрасатнал президент Владимир Путиншулсса хьунабакьаврий Мах'аммадлул

Виричунал ц'а дулунсса тавакьу бувссия ванал аьралий гьалмахчу, х'аписар Денис Диденкол.

Мах'аммад увну ур 1986-ку шинал Якутиянав. Ванал ппугу аьраличу ивк'ун ур, нину Марина байбихьуллул классиртгал учительница бур. Ва Чук'уннал шьравассар.

Мах'аммадлул 6 шин хьусса ч'умал кулпат Москвавив бивзун, школа ванал тийх кьуртал буну бур.

Мах'аммадлул дирк'ун дур каруннай биваврил ва спортрал гимнастикалул разряд. Гужну уккайсса ивк'ун ур футболданый. Кьуллуьгь буллай ивк'ун ур Новосибирскалий, Екатеринбурграй, Кьазахьистаннай. КИйла лавгун ур Сириянавун аьралий командировкардай. Лайкьну кьуллуьгь буллай ивк'ун т'ий, «За отвагу» медаль дуллуну дур.

Хасьсса аьралий операция байбишайхту, лавгун ур Ватандалул мурадру буруччин. Лайкь хьуну ур Чувшиврул ордендалун ва Жуковлул медальданун.

Октябрь зурул 15-ний Херсоннал областьрайсса Новокаменка т'исса шьраваллия арх бакьсса КИАНТТУРДАЙ чувшиврий жан дуллуну дур.

2024-ку шинал Мах'аммад Исбакиевлул дуллуссар Аьрасатнал Виричунал ц'а.

Анриана АБДУЛЛАЕВА

«Илчилул» хъамаличу

«Цала «уссу» къаивтун, архми гъан буллалисса чумул заллукъру»



Омар Махаммадов

ОБМАРДУЛ ОБРЧШИВРУЛ ШАГЪРУ

Увну ур Омар 1982-ку шинал Туркманнаву Ашхабад шагърулий Шавккуллал шяравасса Мухиттинул ва Индирал кулпатраву 1982-ку шинал июнда-лул 19-нний. Ашхабад шагърулул школардавасса цаннийн занай, Омар дуклай ивкун ур чявусса миллатирттал оърчру бусса классраву. Занай ивкун ур чярусса кружокирттайн, нитти-бутташал ва ссишал циркравун, зоопаркирдаву, ботанический садирттаву, театрдаву, парадирттайн. Вай клантурду кицилаглагиссагу оърчнинирасса тарбиялул, куншувурттал, дуниялукхсса ябитавил, за бучаврил инсаннал оърмулуву хъунмасса ва агъамсса клану бугълай буну тийра.

Ашхабадрай гъан дурсса шинну, цана дунияллийх клама бившусса тихасса дустал, тарбиячитал, учительтал хурматрай дакнин бичлай ур Омар.

Ашхабадрай вайнначан га чумал Дагъусттанна чявусса гъан-маччами, дустал бучайсса бивкун бур. Ватандалия архну ялапар хъанай бунугу, буттал клантуя явувцун къабивкун бур Махаммадовхъал кулпат.

МАХАЧКЪАЛА

Омар Махачкъалалив ивзун ур 1999-ку шинал. Увхун ур ДГУ-лул экологиялул факультетрайн. Вания махъ бивкуну бур вава ххуллийсса магистратурагу, гихунайгу дуклан, уххан най ивкун ур аспирантуралувунгу.

– Экология, цусса хъазсса ххуллу буну, язи дугъарчангу, бивчуну ва ттулла дакнил ларьсса даву дакъашиву. Ттул ссу Милана му чумал, ДГУ-лул филологиялул факультетрал журналистикалул отделениягу къуртал бивну, «Дагъусттан» РГВК-лий зий буссия. Спортрал «Прессинг» тисса кказитрай зунсса инсан аьркинну ушиву бивсуна ссил. Увкгра редакциялийн, най уна къамул уна даврийн. Ттул цалчинсса материалгу дуссия грекорумуллал лачунбуккавин хас дурсса. Гихунай, «Анжи» футболданул клубгу цалнир цал хъьичуну буклай, вайнначал личи-личисса регионнай аьрхирдай уклай, футболданиягу, республикалул спортрал оьрму-



«Илчилул» ва ххуллукхсса хъин хъамаличуну хъунни НТВ-лул Ухсавнил Квказказнавусса корреспондент, СВО байбихъунна махъ Украиннаву командировкалий ацлийла лавгсса, тти, февральданий, ацния цалчингу нанисса Омар Махаммадов.

луву хъанахъисса цайми-цайми иширттаюу чичлан ивкгра. «Анжилул» пресс-службалуву зий, кира шинал дянив даврил биялсса опыт, куншувуртту салкы хъна, – буслай ур Омар.

Укун, Омардуя журналист шавриву ванал ссил, цуппагу гъунар бусса журналист Милана Махаммадовал, бияла хъунмасса бур.

Хъирив Омардул дачи шин дурну дур ТВЦ-рай шагърулул цусса хавардал «Махачкъала» тисса выпускрай зий.

ВАДИМ ТАКМЕНЕВЛУЧИССА ДУККАВУ

Омардул бивчлай бивкун бур гихунай дуклан, хъьичунунай ачин аьркиншиву. Укунсса ниятрашал ванал бивкуну бур журналистгурансса «Интерньюз» курсру. Вайннал каялвину ивкун ур цана НТВ-лий «Центральное телевидение» цанилусса информациялул ва аналитикалул программа дачин дурсса Вадим Такменев. Ва кунмасса пишакартураща ларьсса куншувурттал, практикалул хъунмасса клану бивгуну бур Омар буниялусса журналистикалувун учавриву.

Вагу, ванащалсса Аьрасатнал личи-личисса регионалсса оьрчругу багъну бур ваннинн цалла дуллай-хъанай бивкунурнир цимурца цимивагу даражалул ларьсса средалувун.

– Укунсса чумал инсан, ччайнугу, къаччайнугу, хъьичунунай хъит тун, лавай хъанан иклайхъунсар, – тий ур ва.

Гай курсру ккалакисса чумал, Нальчик шагърулий Омардул дурсса сюжетту ца яла ххуймунин ккалли дурну дур, гания шиннай къуняхъайсса шинну ларгун дунугу, га сюжет цанагу цу буну чалай дур. Гания мукъах Омар Махаммадовлул ва Вадим Такменевлул хъала-гъурттушиву

дур. Курсругу бивкуну, махъунай шагърулул телевидениялийн увкисса чумал, Омардул бивчуну бур цащава шикку зун къахъунтшиву. Зун ивкун ур «Дагъусттан» ГТРК-лий, «Вести Дагъусттан» выпускрай. Шикку зий шин дурну, гъунар бусса журналист увцуну ур федерал каналданийн.

ХХЮЙЛЧИНМУР КАНАЛ

Санкт-Петербурграя хасъсса пишакар увкун, жучара «Пятый канал» титлай, шикку зунминнах луглагисса чумал, Омар язи увгуну ур. Продюсер аьркин хъанай, цашалва микку зун Омардул цалва ссугу бивцуну бур, амма ва цалва ссу буну тий бакъача, ванищалсса зузаву рахлатсса дуну, цува ванил пишакаршиврий дакларцуну уну тий. Шикку зузисса шанна шинал мутгалий вайннал даврил хъинну ххуйсса ва хъунмасса опыт хъуну бур.

НТВ

Ца дурксса журналист Руслан Гусаровлул оьвтий, увкун ур Омар НТВ-лий зун. Га диркун дур 2009-ку шин къуртал хъанахъисса чун. Руслан ганиннингу оьвтий ивкун ур ванай, амма Омар къалавун ур, цалва ссугу, коллективгу къабитан къаччай, хатта цанма мударгу НТВ-лий зун ччай бивкунугу. Русланнул килчингу оьвкисса чумал, рязи хъуну ур Омар. Бакрайва хъинну захматну бивкун бур зун.

– На даврийн увхун хъунма хъалкъавхъуну, цусса шин дайди хъусса гъантрай, Махачкъалалив ГИБДД-лул базалий пъяк учаву хъна. Гикку тун ваннинн тачлаву къаувкисса тийланнасса эфирданийн уккан багъуна. Хъинну захматну бия. Каялувшиннарал чулуха къанкъасса тлавшиннарду дия, ттушава яхъи бунан къахъунсса ххива, тти гъагъавай ура тий иклайссия. Царагу хъьуну ссят 3-4 къархъуну утту-

ишин къашайва. Дакнийхъурча, га ппурттуву чярусса пъяк учин бавуртту, бита-ххитавуртту хъанай диркиссар. Цимивагу иш хъуссар жу бивкунулайу ца шаттирал тийнмай бавцусса. На чявуну тикрал бара вай махъру: гъарцагу инсаннал духунссар ва журналул тийлабацурттал, бахтилул ххуржинтту, кув кланттайн секундирттал чал шаврийну ягу, ялунмагу, ччяни лагаврийну бивкунулаша ххассал хъусса. Умуд бур укунсса ттулла ххуржинтту ттигу дачира къархъунссар тисса, – тий ур Омар.

Яла – Кьиблалул Аьсатин (Южная Осетия). Шиккур ванан цалчин квказсса цал архал хъинну чявусса лихъчалт, лекъапъяк хъусса къатри, ппив-ххив хъусса машинартту.

УКРАИНА

СВО байбихъуну, тихун цалчинсса командировкалий ачиннин, Омардул бавтиссар цалва коллектив, бивчин бивссар хъанакхъимур ххишала бакъа бунияласса бушиву, агарда щак-щук тисса, вас-щахлийсса клантурду бухурча, аьрххилий букканнин, ххуйну пикри бунан, гуж буллалисса, къаччайна бачин буллалисса клану бакъашиву. Цучлаву махъунай хъуну акъар, бавчуну бур циняв. Ххуллийн бивкун, Донецкалийн бивну бур мартрал 18-нний. Хъиривмур кьинирив вай Мариупольлай минометирттал царахъхъун биривссар. Ва кьини вайннан бивчуссар душманнал шийчлаву рахму къабунтшиву, цайвагу – тих хъанахъимунил яруннин ва вичан ккаллисса журналистгурай.

Цалчинмур командировка дакнин дутлай, Омар кицилаглай ур та чумал жунма къабунчлачисса клантурду чявусса бивкунушиву, уттирив жунна ци ччиссарив, жуятура ци тлавну дуссарив, ци перспективартту дуссарив мяълумну чалай бушиву. Гъарцагу инсансса инсан куна, буруккинттарай ур хъанахъимунил ялув.

– Тагъар захматсса дур. Гъарца ссят, гъарца кьини жунна ххи-

рану дацлай дур. Шикку ихтилатгу арцуя ягу техникалия бакъар, ихтилат инсантурал оьрмурдаяр. Ци-бунугу шагъру (шярвалу) тархъан бивссар тисса чумал, ттул хъьичи бацлай ацвахъул, ттуршвахъул оьрмурду, ми шил-бунугу арсрурхха, ппукхурхха, уссурваллихха цалла жаннай хлайп къакусса. Ттухъ чявуну цухлан бивклай, вилва пикрилий, тари вай иширттал ахир хъунтисса тий. Гъаксса ччива ччясса мутгалий къуртал хъуну. Тун цукунчлаву къаччива ва масъала жула оьрчал, миннал оьрчал оьрмурдай цунилгу, цусса гужирдащал гъаз хъуну. Муниятту, цана жунма цуксса захматну, цуксса жапану бунугу, яхъи бивну, къанкъа дурну, ва оьшиву аьршарая мархлуцакул бат дуван аьркинссар.

Къачанну бай, ай, жула укунсса, тукунсса жагьилтал бур тисса хаварду. На учивив, жула ххаллиссса жагьилтал бур куну, къанкъасса хасиятрал заллукъру. Оьрмулул 19 шинаву бур экипажрал командирталну, танкарду дачин дуллай, вайннай ялуннин гужсса лидертал хъунсар. Аллагънал бурувчуну лякьиннав цив.

2022-ку шинал февральданул 24-нний жува хъьичунмай къабавчуния, ДНР ва ЛНР бюхъайва къадиклан цана. Украина цилва гужру цачун буллай, хладур хъанай бивкиссар вай республикартайн ххяххан. Шай ихтилатру, ххяхханнин бацан аьркинссия, му чумал, дунияллул низамирайн бивну, жува ватан дурчлачимунуя бивкунтисса тиссагу. Бюхъай, амма шиккугу шин клулссар ссайну къуртал хъунтиссияв иш, циксса ливтисса-бившусса хъунтиссияв. Жура ттинин дронну ишла дуллай бияв хъатив-хъиншивуртту ласун, клайннух къацругу тивтуну ялугълай. Тайрив 2019-ку шиналва, на хъьичла-хъьичи Донбассрайн, Донецкалийн лавгсса чумалва, дроннаясса «сбросу» ишла дуллай бия, яни СВО байбихин 3 шинал хъьичлава. Та чумала жухъ тих бивклайва: «Ссавних вичи дшара, ччанналун бурувгун бачияра», – тий.

Тай, пандемиялул чумал байбихъуну, ширивкуну хладур хъанай бивкун бия. Муниятту ва операциялул цалчинсса шин хъунни жунна лапра захматсса, хъанакхъимур, дуллалимур дурчин къашайсса. Цанарив га чумалнир гъарцагу чулуха жула ишру ххуйну бур.

Ттухъ тун бивклай: «Омар, ина ттинингу кирисса точкардай иявхха», – тий. Амма ттун уттинин кквкмунилгу, тти кквккмунилгу дянив аьршарал ва ссавнил дянивссаксса манзил бур. Аьрасатнайн, цукун дуккарчагу, 58 паччахлулгъ къаршину дурккун дур.

«СВО НАЙ 3 ШИН ДАКЪАР, 11-ССА ШИННИ»

– СВО най 3 шин шавай дур тий буру жува. СВО най 10 шинни. Ва байбихъусса 2014-ку шинал Украина танкардай Донецкалийн ва Мариупольлайн ххяххсса чумалли. Дакнийри, жу дахъва Мариупольлайн бивкисса чумал, жухъ цувххуна: «Оьрчрув, зу Аьрасатнавасса бурув?». «Буру, журналистгал буру», – куну жаваб дулайтту, пашману: «Туну, зу жун 2014-ку шинал кумаг цан къабувессия?» – тисса бия суал.



Федерал центрдайнсса сертификатру дуллунни

Махлчкьалалив Редуктор-ный поселокрайсса шагь-рулул азарханалий «ОьрчИшиву» тИсса Москваливсса реабилитациялул центрдаий цулушиву цаьк дувансса сертификатру дуллунни къашавайсса оьрчИал нитти-буттахьхун Дагьустганнал парламентарал хьунама Заур Аскандаровлул. Ванащал азарханалийн увкун ия Дагьустганнал Халкьуннал Мажлисрал комитетрал каялвчи Илияс Мамаевгу.

Азарханалул хьунама Хакин, республикалул парламентарал де-



путат Хажимурад Малаевлул був-сунни, ва «Хьиншиврул десант»

тИсса акция 2-мур хьанай душиву, нитти-буттащал архИал 200 оьрчИгу,

СВО-лул 40 гьурттуцигу федерал центрдайн реабилитациялийн на-нишиву.

Заур Аскандаровлул кИиц лав-гунни, билаятрай яла хьхьичИунни центрду язи бувгьушиву жулва оьрчИру ва СВО-лул гьурттучитал хьин буллан ва гьашиунсса шинал ахирданийнни 400 оьрчИ федерал центрдайн тИайла буккансса ният душиву. Сертификатру дуллалисса даву кьуртал хьуну махь, хьамаллу-рал ххал бунни азархана. Малаев-лул бувсунни, хьхьичИва республи-калул кьатИув бувайсса операцияр-

ду утти цува каялушиву дуллалис-са азарханалий тИайлабацИу буну буллай бушиву, къашавайминнан чунчИав занансса чара бакьашиву дакъашиву, медициналул техни-кагу хьуйсса душиву, бюхьу бус-са хIакинталгу бушиву. Бувсунни диабетрал къашавайми хьин бул-лалисса аппарат зия хьуну буши-ву. Парламентарал спикернал махь буллунни, ва масьалагу ххал бив-гьуну, азарханалул аьркинсса ку-маг буван.

Патимат РАМАЗАНОВА

«Илчилул» хьамаличу

«Цала «уссу» къаивтун, архми гьан буллалисса чIумул заллукьру»



Вана укун кьовулийсса, чуврив къаччан бикIаврищалсса ихтилатру бакIрайва лапва чIявуну байява.

АБРАСАТ – УКРАИННАЛ КАРТАЛИЙ БАКЬАССА БИЛАЯТ

– Совет СоюзрацIун, Аьрасат-нацIун дархIусса я цIарду, я гьай-каллу, я литература, я цамур дир-тун дакъая тийх. КIулсса куц-цуй, Союзрал символикалул шиврий дуснакъ буллай бия, дакIнийхьунсар, 9-мур майрай, георгиевский лентагу лавчIун, тIутIащал нанисса къари дур-гьусса иш. Махь, Мариуполь-лайн лавгсса чIумал, география-лул учительнашалсса ихтилатра-ву цIухлай ура: «Аьрасатнал Ев-разиянал континентрал аьрца-рал хьунмур бутIа бугьлай бур. Украина бу чIумал география-лул дарсирдай ва кIану цукун бус-сайссия оьрчIахь, ци тагьар дус-сия?». «Украина бу чIумал дар-сирдай жу зий бикIайссияв хась-сса картардай, цайгу Аьрасатнал кIанай хьуннасса кIяласса ттан-гьа дусса». «ОьрчIан зу му кIану цукун бувчIин байссия?». «Жухь Аьрасат, Москва тИсса цIарду зу-мух ласунсса ихтияр дакъая. На, географиялул учитель, оьрчIахь бусан къахьанай икIайссияв ва кIанай ци билаят буссарив». Укун, оьрчIиниява оьрчIал бакIурдивунгу, дакIурдивунгу Аьрасатнайнсса зид, сси-къаши дутIлай бивкIун бур. Вара укунсса тагьар диркIун дур цайми дарсир-дайгу. Театрдаву оьруснал автор-турал пьесарду, балетру украин мазрайн таржума буну бивкIун бур. Евросоюзрал, Американал ттугьру лавхьун, цал цIусса дустал буссар тИий, жуятува инкар хьун-ни. ХIайп, та билаятрайгу, танил инсантурайгу, цалла кIулшигу, нягу цайминнал цуксса даххана дурссарив къабувчIлачИсса, цала «уссу» къаивтун, архсса, цайра дакI къацIуцИсса «гьанчув» язи увгьусса.

МАРИУПОЛЬ – ШАГЬРУ-КУРОРТ

Оьмардул буслай, Мариуполь шагьру цалнияр цал цIу лаглай бусса бур, тичча ливхьун бивкIсса



инсантал махьунмай букIлай, цIу-цIусса кьатри дуллай. Шагь-ру ччаннай бацIан буллай, цIусса кьатри, цайми-цайми давуртту дуллиминнавах чIявусса дагь-усттанлулвалгу бусса бур. Тих сан-техникалула зузисса лакгу хьуна-бавкьуну бур Оьмардун. Мари-уполь бувчIин къашайсса куц-цуй баххана хьуну най бусса бур. «ЧIал къавхьуну Мариуполь ко-фейнярал чIявушиврул чулула Махлчкьалалал хьирив лаян-сар», – хьай ур Оьмар.

Тийх бахлахисса квартира лякьин захIматну бусса бур, буми лув багьан къабивтун машин лас-лай. Ми машин ласлайгу бусса бур Аьрасатнал личИ-личИсса шагь-рурдай ялапар хьанакьимигума, инвестициярду хIисаврай. Щуну дурсса кьатравусса квартиралул кв. м. дусса дур 100-150 азарда кьурушран.

Мариупольлай кунмасса тти-заманнул азархана цан хьунни шагьрурдайгума кьавккун бакь-ар тий ур Оьмар.

Мариуполья бувантИий бус-са бур ца яла кьаккан ххуймур, рахIатмур шагьру, шагьру-курорт. Щалла дунияллул эьратрансса шагьру.

БАКИГУ, ДАКИГУ АЬЧУХ ДУККАНШИВРУЛ

Ва махьсса командировкалул хьхьичИ Оьмардул студентьту-рашалсса-психологтурашалсса хьунабакьаври увкуну бур: «ОьрчИрув, жулва аьралийтал шаппай зана хьувкун, зунсса даву цукссагу ххи хьунтИиссар, бигьала-гансса мутта къабикIантИиссар», – куну. Мияжнунгу, яруннин ци-цигу кьавкксса, бакIрачIан ци-цигу бивкIсса жулва аьралийтура-ща аьдатсса оьрмулийн зана хьун

бюхьаншиврул, вайннан психо-логтурал кумаг чара бакьа аьр-кин хьунсар. Цахьва Оьмардухь барз ва бачIиннуйсса (ванияр ххисса чIумуй вай тийх къабитай-са бур, захIматну буну тИий) ко-мандировкалия махь вийна ина-ва цукун учIара куну цIувххукун, укун тИий ур:

– Шавай увкIукун, гьанчув-нал хьамалу оьвчавай, цивппа бучIавай, шикку-тикку хьана-хьисса хьунабакьавурттайн оьв-чавай, игьалагара. Вана, зу оьв-куну, хIакину зушалсса хьунаба-къаврий дакI аьчух дурккунни. Ва чулула жулва оьрчIан ялагу бахтти хьуну бур, шаппай бивкIукун, вай, гьан-маччаминнал, кIулминнал оьвтИий, цахухва цивппа гьан къа-битай, цахунма цивппа бивчуну бакьар. Аьрасатнал хьунни шагь-рурдаями аьралийталлив, шаппай зана хьуну, цалла хьирив нузгу ларкьуну, цивппалу личIлай бур.

ЖУРНАЛИСТНАЛ ПИШАЛИЯ

Цалва пишалул ххуйшивурт-тавацца цану Оьмар кIицI лаглай ур, хIухчия тIайла хьуну, прези-дентнайн бияннинсса инсантура-шал кIул хьун бюхьаву, оьрмулий къаиян най ивкIсса кIанттурдайн иян бюхьаву. ЗахIматшивурттая къатIуну...

ЭКОЛОГИЯЛИЯ

– Оьмар, эколог хIисаврай, экологиялуцIун, жулва инсанту-рал экологиялул культуралуцIун бавхIуну ци чин бюхьансар виша?

– Жува буру марцIшиву дин дачIину шаллу даврин ккаллисар тИсса ислам диндалул республи-калий ялапар хьанакьисса агьлу. Амма цукунчIав дурчIин къашай жучIара цIинци-ччюрклицIун дархIусса тагьар лашинсса дара-жаллий душиву. Шикку на учиви-яв, цимурца кулпатравар, шиву дуллусса, ларсьсса тарбиялувар нанисса куну. ОьрчИру дуниял-лийн буккавирвунна тарбия бул-лан аьркинсар. Щанарив оьрчIал тарбиячиталнугу, учительталнугу телефонну дур. Цанма бигьашив-рун вилттилиоьрчIал хьхьичИунна бур телефонну дичлай. Кафелу-вун, миккун-тиккун оьрчIащал бивкIсса чIумалгу хIисав шай,

нину ва ппу буссар цаллами те-лефоннаву, оьрчИру – цалламин-нуву.

ЖучIава мусор лази-лакьий дайсса полигонну, заводру бакь-ассацца ва масьала щаллу хьун-шиву къакIулли. Вай бакьану-гу, тагьар вакссара оьккисса къадикIанссия, инсантурал ца-мур кIулли диркIиния, экологи-ялул культура диркIиния. Ва ма-сьалалийн дагьайсса сюжетру цимилгу дурссар, цал-цал вайн-нул ялув рязи бакьассагу буккай-ва. На учайссия, бакьамур увку-рив, кьаккан буврив, ягу дяхт-та ттулла сюжет ласуншиврул хьхьувай мурхьирдайх пакетру на лавхрив куну. Талгьилал чу-лухсса, хьхьугу-кьинигу пуркIу тIийннасса муркьилияссагу дус-сия сюжетру. Та дур вулкан кун-насса свалка, бигьа-бигьану ле-шан дувангу къахьунтИисса.

Шагьрурдайнияр оьккисса тагьар зунттавуцца цаппара рай-оннайгу дур, жулла ратIру, нехру дур цIинци-ччюрклил дурцIуну.

Цинци-ччюрк ми хьунни ар-цур. Вайннуй чIярусса арцу дуван шайссар. Дуваймунил-дитаймунил чулула хьхьичИун лив-чусса жулва инсантуран ва кIану цалсса бувчIлай бакьар.

АБРАИНСА ЧАГЬАРДУ

Аьрая бивкIсса цайминнаягу цимилгу бавссия, тти Оьмардул-гу бувсунни, аьралийтурал дакIру яла гьили дувайшиву цацIанма бивкIсса чагьардал. Ца-цавай чагьарду аьралийтурачIа зур-дардий, шиннардий чIирайн лав-хьун бивкIайсса бур. Амма шай-са бур ишру гьан бувсса чагь-арду, талатаврил майданнайсса аьралийтурачIан къабивну, па-ракьатсса шагьрурдайн бивссагу. АьралийтурачIан бияншиврий дакI дарцIуну чагьарду гьан бу-ван бюхьлай бур аьрая отпуск-алий бивкIун, махьунмай нанимин-нахьхьун.

– Балики, аьралийтурачIан чагьарду гьан буван ччисса бу-хьурча, на мукунсса чагьарду гьирарай ласунна ттушалва ти-хун, – тИий ур Оьмар.

Жул коллективрал ният дус-сар февральдаий Оьмар ти-хун ачиннин ванахьхьун гьан бу-вансса чагьарду жувагу чичин-сса, жулва гьан-маччасса дуклаки оьрчIахьгу чичин бувансса.

Балики буккултравугу лякьин аьралийтурачIан чагьар гьан бу-ван ччисса.

Ихтилатрал ахирдаий Оьмар чIа тИий ур аьрайсса жулва чивар-кIуннан ччясса чIумул мутталай ххувшаврищал зана шаву, вайн-нал кулпатирттан – ссавур.

Бадрижамал АБЛИЕВА



ИТНИ, 3 ФЕВРАЛЬ
05.00 «Доброе утро».
09.00 Новости.
09.20 «Молитвы приговор».

19.50 «Пусть говорят». (16+).
21.00 «Время».
22.00 Т/с «Уголь». (16+).

(16+).
19.50 «Пусть говорят». (16+).
21.00 «Время».
22.00 Т/с «Уголь». (16+).

18.00 Новости.
18.30 «Информационный канал».
(16+).

(16+).
18.00 Новости.
18.30 «Информационный канал».
(16+).

(16+).
18.00 Новости.
18.40 «Человек и закон». (16+).

АЛХИАТ, 9 ФЕВРАЛЬ
06.00 Новости.
06.10 «Играй, гармонь любимая!» (12+).

РОССИЯ 1
ИТНИ, 3 ФЕВРАЛЬ
03.00 «Утро России».
05.00 «Утро России».

Кулагин, Дмитрий Блохин и Валерий Сторожик всерияле «Кулагинь». [16+]

Кулагин, Дмитрий Блохин и Валерий Сторожик всерияле «Кулагинь». [16+]

03.00 ВЕСТИ.
03.30 Алёна Спивак, Леонид Кулагин, Дмитрий Блохин и Валерий Сторожик всерияле «Кулагинь». [16+]

Кулагин, Дмитрий Блохин и Валерий Сторожик всерияле «Кулагинь». [16+]

фильме «Пусть говорят».

Зубков, Мария Куликова, Денис Матросов и Анна Казочничафильме «Мечтать не вредно». [12+]

ИТНИ, 3 ФЕВРАЛЬ
07.00 Время новостей Дагестана.
Итоги
07.40 «Культурный код» (0+)

Копьель (16+)
05.25 Т/с «Академия» 37 с. (16+)
06.10 Т/с «Академия» 38 с. (16+)

Фильм второй (16+)
04.25 Передача на лакском языке «Ариши ва атылу» (12+)

03.35 Д/д «Научные сенсации» «Инопланетная жизнь» (16+)

«Геоглиф Ленин» (16+)
02.35 «Денеб ДЖИ Дагестан» (16+)

«Космические сенсации»
04.25 «Дагестанский календарь» (16+)

«Батальоны славы» (16+)
04.20 «Культурный код» (0+)

ИТНИ, 3 ФЕВРАЛЬ
04.50 Т/с «Морские дьяволы. Смерть» (16+).

00.00 Т/с «Шеф. Мужская работа». (16+).

00.00 Т/с «Шеф. Мужская работа». (16+).

00.00 Т/с «Шеф. Мужская работа». (16+).

01.10 «Мы и наука. Наука и мья». (16+).

02.40 «Инфошоп». (16+).

02.30 «Дачный отчет». (16+).

«Илчилул» календарь

Ва нюзмардий бувссар:

Январь зурул 29-ний 1950 шинал увссар чичу, публицист, драматург **Мазайхал Казбек**.

Февраль зурул 2-ний 1969 шинал увссар ДР-лул Халкьуннал Мажлисрал депутат **Марат Илиясов**

Февраль зурул 2-ний 1948 шинал увссар Дагъусттаннал халкьуннал артист **Шамил Керимов**.

Февраль зурул 2-ний 1893 шинал увссар медициналул элмурдал доктор, профессор **Махаммад Къажлаев**.

Барча бавуртту

Ххаллисса лаккучу, ГьунчукьатГатусса Зайнул-абдилул арс Чавтараев Чавтарал оьрмулдул 95 шинал юбилей хьундаркьунни.

Чавтара, чИвисса оьрмулий айивхьуну, шяраву колхозраву, къутандалий, Аьрасатнаву личИ-личИсса давурттай зий уссия. Хьинну захИмат ххирану, лайкьну, лажин кЯлану, цащала зузиминнал бикИу, хьуниминнал бикИу, хИурматрай цала бурж биттур буллау уссия ва.

Чавтарал, кулпатгу буну, кИия цА дансса арс хьуни увсар.



Инсантал ххирацца, хасиятрал иминсса, авкъусса, аьркиннан кумаг бан хИадурсса, шярываминнан, гьан-маччаминнан, дустуран ххирацца ур Чавтара.

ГьунчукьатГрал ккуруанда-лул цаниятугу, ттула цаниятугу барча дуллау ура вил юбилей, цА тИий ура цАкъусса цУллушиву, вила наслулул вив ивтун, ххарину бутансса лахьисса оьрму.

Щаллу хьуннав вил дакИ-нийсса цинявпагу мурадру. Вин тачИав ссалчИав буружкин къабагьаннав, къушлия барачат чан къахьуннав.

ХИажибутта ХИУСАЙНОВ,
ГьунчукьатГрал ккуруандалул хьунама

Аьрасатнал Чичултрал союзрал членнал удостоверение дуллунни

Дагъусттаннал Чичултрал союзрал лакрал литературалул секциялул каялувчи Супиян Оьмаровлул Аьрасатнал Чичултрал союзрал членнал удостоверение дуллунни Читтурдал шярывасса Кьурбанов Кьурбаннун.



ХИусайннул арс Кьурбан 50-хьайсса шиннардий Аьрасатнал регионай хьанахьисса, личИ-личИсса къуллугь-

ирттай зий ивкИсса зунттал чув ур. Зувира шинал мутталий ва Ханты-Мансийск шагьрулий ялапар хьанай ур. Ва ур финансист, экономист, политолог, журналист, композитор. Ханты-Мансийскаллал агьулданун ва шаэр хИсаврайгу кИулу ур, оьрус мазрайсса назмурдал луттирду дуняйлийн буккан буну бур. Уттигьанну Дагъусттаннайгу итабавкьунни ванал лакку мазрайсса «Эшкьилул хьару» тИсса лу. Ва Дагъусттаннай авторнал лакку мазрай итабавкьусса 1-мур лу хьанай бур. Аьрасатнал Чичултрал союзрал къюкьравун къамул аву барча дуллау, цА тИий буру Кьурбаннун цАкъусса цУллушиву, дуллалимуниву тИайлабацИу!

Патимат РАМАЗАНОВА

Аьралийтурал махъ буссар уздансса инсантал

Махьсса ппурттуву ялу-ялун чИяву хьанай бур хасьсса аьралий операциялуву гьуртту хьанахьиминнал чИарав бацИан ччИсса инсантал. МахИачкъала шагьрудул администрациялул чулухьсса ирглийсса гуманитар кумаг гьан бунни Курскаллал областьрай аьралий буржру бартбигьлагьисса «Каспий» тИсса Дагъусттаннал цалчинсса добровольствалул батальондалул аьралитурал. Гуманитар кумаг биян буну увкИунни Аьбдулкарим Айгунов.



Ва ххуллукь мукьилчинни ванал аьралийтурал кумаг буллалисса. Утти ванал биян бунни майлул чирахьру, генераторду, тепловой пушкарду, дуки-хИачИия, медикаментру, захИматсса шартИирдай цалчин аьркин дайсса къай-къуй ва дукаки оьрчИал чивчусса чагь-

арду. Цикссагу лякъай Аьбдулкаримлул жула аьралитурал дакИ дансса чаранну. Цимилгу гьан дунни дукаки оьрчИал назмурду ккалаккисса видеортту. Аьралийтурал ххарину хьунаавкьунни ссайгьатиртташалсса Аьбдулкарим.

«Каспий» батальондалул командир, полковник Жамал Илиясовлул барчаллагь увкунни кумаг баврихлу.

Аьбдулкаримлул аьралийтурахь, дакИ дансса ихтилатгу буну, цУвххунни ссах мюхтажну буссарив, барчаллагь увкунни цала хьхьичИ бивхьусса бигарду лайкъсса даражалий бартбигьлай буну тИий.

Командирнал кИицИ лавгунни Дагъусттаннал халкъ мудангу чИарав бацИлай бушиву ва хИакьинусса къинигу укун чумартсса ва дугьрисса инсантурал кумагирттайну ссахчИав мюхтажну бакьашиву.

– ДакИнийхтуну барчаллагьрай ура аьралийтурай дакИ цУцИсса, кумаг буллалисса инсантурайн, чагьгарду чичлай, посылкарду тИайла дукалай, чИарав бацИлацИсса оьрчИайн. Жула халкьуннал «Каспий» батальондалун, цаймигу аьралий подразделениерттан, хасьсса операциялул гьурттучитурал чялиш бувккун кумаг буллау буссар. Зу кунмасса инсантал буссаксса, ххувшаву ласунсса вихшалагу ххишала хьанай дур, – увкунни Жамал Илиясовлул.

Шиккува кИицИ лаган, хасьсса аьралий операциялул гьурттучитурал цимилагу кумаг бувссар ва буллайна ур Аьбдулкарим Айгунов ва ванал гьалмахтал.

Вай гьантрай ДР-лул бакИчи Сергей Меликовлул Аьбдулкарим Айгуновлул буллунни хьхьичИуннайшивурттахлусса Барчаллагьрал чагьар.

Имара САИДОВА

АЬРАСАТНАЛ ЯРАГЪБУ ГУЖИРДАВУ КЪУЛЛУГЪ БУВА!

службапоконтракту.рф

Контрактрайну аьралуннаву къуллугъ буллан къамул буллау бур

Контракт чирчусса республикалул ялапарлувтурал дулай-ссар 1 млн къуруш цалархИал:

- 500 000 къуруш – Дагъусттан Республикалул чулухату;
- 400 000 къуруш – федерал бюджетраву (гьашину августрал 1-ний 31-нийнин контракт чирчуминнан);
- 100 000 къурушраяр къачансса – шагьурдал ва районнал чулухату.

Контрактникнал харж – 210 азарда къуруш зуруй.

СОЦИАЛ ХИАЛЛИХШИННУ ВА ГАРАНТИЯРТТУ:

- бюхьлай бур ччяни къатри ласун Аьрасатнал Обороналул министерствалул счетрайну накопительно-ипотечный системалийхчил;
- къуллугьрал къатри дулайссар ягу лаякъатрахлу лахьаву (компенсация) дайссар;
- Аьралуннал медициналул азарханалий уква ххал увайссар, хьин айссар ва реабилитациялий итайссар;
- Федерал бюджетрал счетрайну оьрмулдул ва цУллу-сагьшиврул страхование дайссар;
- 20 шинайсса къуллугъ буну махъ хИаллихшиндарал (льготная) пенсиялийн уккайссар;
- талатаврил иширттал ветераннал статусгу, мунин хасьсса хИаллихшиннугу ккаккан дайссар;
- Аьрасатнал Федерациялул субъектирдал цал дулайсса ялун ххи дурса арцу (единые дополнительные выплаты) ва гарантияртту контрактрайну къуллугъ буллалиминнан;
- кредитрал ва налогирттал каникуллу;
- оьрчИру вузирдаву дукаки буллансса бюджетрал кИантурду;
- контрактниктурал ябайссар цивппа зий бивкИсса зузи кИантурду;
- оьрчИру уква бигьалаган тИайла буккайссар цУллушиву цАкъ дайсса гьинтнил лагерьдайн.

Аьралуннаву къуллугъ буллан язи бугьайсса кИантурду зий бур жула циняв шагьрурдай ва районнай.

Дагъусттаннай мукунсса кИану: 8(989) 484-69-95
ДР-лул Военкомат: 8(8722) 68-16-08

Спорт

Ислам Махматов: «Ттул пикри бур 77 килорайн учлан ва муний аглан хьун»

Ислам Махматов январьдану 27-нний зана хьунни Ватандалийн. Учлайхтува, UFC-рал чемпионнал лагма лавгунни журналисттал. Исламдул миннал суаллахьхун дуллунни жавабру.

МУТТАЭ АХХАНА АВРИЛ ХИАКЪИРАВУ

– БакИрайва ттул муттаэ аххана увансса пикри бакъассия. Чурххал кIушиву чан дулла-ласса кьини кIюрххила, 2 кило чан дуван лирчIсса чIумал, ттулчан овькунни ттула дус Зубайра Тухуговлул ва Цувххунни: «Вил муттаэ аххана хьушиву тIайлассарив?» – куну. На бувссыя, аххана къавхьушиву: «Ттун муния цIчIав кьакIулли», – увкуссия. На мунил пикри булла-лай акъассияв, лавгра ттула чурххал кIушиву яларай дуган, ва яла чурххал кIушиву душин. Яла ссят 9 ва 30 минутIраву ттулчан кьатлунун увххунни менеджер, мунал бувсунни ихтилат буван аьркинну бушиву. Му чIумал ттун бувчIунни цирив ца дахханашиву хьуну душиву, бюхъайва муттаэ аххана увну икIангу. Менеджернал ттух бувсунни ттун иян багълай бушиву Мойканощал, агарда жу рязи хьурча. Гьалбат-таки, на ххаригума хьуссияв муттаэ лякъаврия.

АРМАН ЦАРУКЯННУЩАЛ ВА ДЖАСТИН ГЕЙДЖИЩАЛ ИЯН БЮХЪАЙШИВ-РУЛ ХИАКЪИРАВУ

– Арманнушал на иян бюхъайссар, му бияву ванил хьирив хьунтIий дакъар, цанчирча Дана Уайтлул (UFC-рал президент) бусаврийну, га цала базилуца хьуну ур (потерял свой шанс). Жуша бюхълай бур биян Гейд-



жишал, агарда ганал хьиривмур бияврий цала бюхъу ккаккан барча. На Оливейрашал ва Царукяннушал ивссара, Джастиннушал иян увассара, мунияту ганашал ияву ттул мурад бия.

ЦУССА ЧУРХХАЛ КIУШИВРИЙН УЧИВРИЛ ХИАКЪИРАВУ

– Цанансса ппурттуву ттул куклумур чурххал кIушиврий ттушал биянсса чIалай бакъар. Иширайну на сайки цинявннашал ивра, ягу циняв куннашал кув бивну бур. Ттул пикри бур 77 килорал кIушиврийн учлан ва муний аглан хьун.

ДЯНИВМУР ДАРАЖАЛУЛ КIУШИВРИЙ ТИТУЛЬ-НЫЙ БИЯВРИВУ ХХУВ ХЬУМАНАЩАЛ ИЯВРИЛ ХИАКЪИРАВУ

– Хьунисса хаварду буслан ччай акъарача, буруганну ссайну кьуртал шайрив ва дивизионалдул чемпион Бе-

лал Мухаммадул ва Шавкат Рахмоновдул бияву. Яла ихтилат буван аьркинни UFC-рал каялувчинашал ялун дучансса чIумул бан-битанмуния, махърамахъсса бияву хьуну махъ на танашал гьалгъа кьабувссар.


ЦАРУКЯННУЛ ВА УСМАН НУРМАХИММАДОВЛУЛ ДЯНИВССА БИЯВРИЛ ФАВОРИТНАЛ ХИАКЪИРАВУ

– Агарда Усман жушал гьурту хьуну ивкIссания тренировкардал лагерьданий, ганалгу, ттулгу дянив тапават кьадикIантIиссия, Царукяннушалсса биявриву жу лякIинтIиссия ххув хьунсса ххулу.

ЦИРИ УМАР НУРМАХИММАДОВЛУН АЬКИНССА МЕРАБ ДВАЛИШВИЛИЯР ХХУВ ХЬУНШИВРУЛ?

– ЧIарусса дахханашивурту аьркинну дакъар, Умардун

аьркинссар гьуртту хьун шаллусса тренировкардал лагерьданий. Масалдаран, на Американавун лавгссияв иян 40 кьини лирчIсса чIумал. Муниннин 2 зуруй на хIадур хъанай уссияв ичIува. На уссияв Кисловрай, зунттаву сбордай, хIадур хьуссара шавагу. Яни ттул дуссия 3 хIадуршиндарал ятIап, ялара на лавгсса Американавун. Та чIумал Умар жушал акъая, га иян найгу акъая. Жу Американавун бивсса чIумал, Умардун иян ккаккан бивну бия. Так та чIумал га увкIуна, цувагу цунция хьусса канишал, залданувух занай ия лангетрашал. Цува чемпионшиврул цIанийсса ияврил базилуца кьахьуншиврул, га гьуртту хьуссар иявриву. Ттул пикрилий, ганал ккаккан дуруна лайкьсса, архIалсса даражалийсса ияву, ганан биял кьавхьуна чемпионшиврул цIанийсса ияврил опыт. Тамансса дахханашивуртту дуван кьааьркинссар, аьркинссар так уттигу дулун иянсса ца бази.



УСМАН НУРМАХИММАДОВЛУЛ МУРЦИВ СЕКУНДАНТАЛ ДАВРИЛ ХИАКЪИРАВУ

Бюхъай ттуша бусан кьахьун, му цуксса захIатсса зат буссарив, чемпионнал цIанихлусса биявугу духьувкун. Хьинну захIатссар дустурал биявурттай тамаша булан, миннал бияврил хажалат ккухIлан. Усман ххув хьуну махъ номерданувун увкIссияв, хIатта нава цукун шанавух лавгссариввагу дакIний бакъар.

МЕДИЙНОСТЬРАЛ ВА РЕЙТИНГИРТТАЛ ХИАКЪИРАВУ

– Миннул сияхIру на кьаадара, миннул хьиривгу кьаизара, мунил аьркиншивугу дакъар. Шин-дунугу ми ххуй дизлайгу духьунссар. Медийностьрал 2 чул бур, кувний ччан бикIай укуна кьатIув увкун сайр буван, шинчIав кIулгу кьавхьуну. Медийностьрал чулуха 1-мур ххуттай ушиву ттул мурад бакъар.

МАХИММАД АНКАЛАЕВ ВА ЧЕМПИОН АЛЕКС ПЕРЕЙРА БИЯВРИЛ ХИАКЪИРАВУ

– Ттун чIалай ур Анкалаев ва бияврил фаворитну, амма га яла агьамма акъар.

Перейра хьинсса ию ур, мунал дур хьуннасса любительшиврул карьера, чIявусса ккавксса спортсмен ур, захIатсса биявурттавах гьуртту хьуну ур, мунал хьуннасса опыт бур. Анкалаевлун аьркинни хьинну хIадур хьун, ххув хьуншиврул.

«Иван Ярыгиннул Кубок» турнирданий 17 медаль дурххунни

Дагъусттаннал бакIчи Сергей Меликовлул барча дунни лачIун буккавил Дагъусттаннал цачIундур команда. Цунилгу Дагъусттаннал лачIун буккавил цачIундур команда яла гужмур хьунни Красноярский хьусса Дунияллул халкьуннал дянивсса «Иван Ярыгиннул Кубок» турнирданий. Жула спортсментурал дурххунни 6 мусил, 4 арцул ва 7 чарвитул медальду.

Турнирданий ххув хьуннахь ихтияр дуссар гьашину ччалли буккан Европанал чемпионатрай. Даки дарцIуну ура тиччагу жула жагьилтал медальлашал зана хьунтIишиврий. Барча тIий ура жула чемпионтурал ва призертурал хьвичIунсса хIасиллу. Вайннал гьарцаннал ккаккан бунни цала чурххал хIал, устаршиву ва ххувшаврийнсса бияла. Дагъусттаннал спортсментурал цал уттигу ккаккан бунни цивппа яла



бюхттулний бушиву ва цачIанма чIявусса цаймигу кIункIу тIий бушиву.

Ттун ляличIину тIааьнну бур жула атлетьтурал Совет Союзрал бюхттулсса даражалийс-

са лачIунуку Иван Ярыгиннул цIанийсса бяст-ччаллаву цивппа яргну чIалачIи баву.

Жула жагьилтуран чIа тIий ура цусса рекордду, ххаллилсса ххувшавуртту ва цIакьсса

цIуллушиву. Шиная шинай жула дакIру пахрулул ва ххарившиврул дуцIлай дур зул ххувшавурттайну!» - тIий бур Сергей Меликовлул Телеграмканалданийсса барча баврий.

Турнирданий ххув хьунни Заур Угев (67 кило), Ибрагим Ибрагимов (65 кило), АхIмад Усманов (79 кило), МахIаммад Кьурбанов (97 кило), Екатерина Вербина (65 кило), Ксения Буракова (72 кило).

Арцул медальду дурххунни Муслим Мехтихановлул (61 кило), Рамазан Ферзалиевлул (65 кило), МахIама ДибирхIажиевлул (74 кило), МухIаммадТIагьир Ханиевлул (92 кило).

Чарвитул медальду ларсунни Юнус Явбаировлул (57 кило), Анзор Маждовлул (61 кило), Кьурбан Ширавлул (70 кило), Жамал АхIмадудиновлул (79 кило), Ада Багьамадовлул (86 кило), МахIаммадшариф Биякаевлул (92 кило), Елизавета Смирновал (50 кило).

Лажин хIадур дурссар ХIасан АБДИЛОВЛУЛ

(Дайдихъ
хъхьичмур номерданий)

Хамидов МахИаммад-Хижи,
Хъунатусса:

– Буттаев Бутташал архІал нагу Ккуллал райондалийн зун тІайла увккунав, Бутта - райондалул военкоматрайн, на – финотделданийн. ЧІарав, чІаххуврай яхъанансса тІайлабацІугу хъуна. Хъинну тІайлашиву ччисса адамина ия Бутта Шяпиевич. Гьалмахтурал дянивгу шилтагышиву, дакІ тІайла дакъашиву къаччисса, цувагу дакІ тІайласса гьалмахчу ия. Дия Бутта Шяпиевичул цала аьчухшиврийну инсантал цачІанма кІункІу булалисса хасиятгу. Гьар мероприятиялий каялувчишиву дуллангу багъайва, каялувчиначал бюхъу-базар бусса уну, ванайн тапшур дувайва. Даврия бусларчарив, му ия цала кІанай капливун агъсса инсан. Военкоматрал даву дюхъан дуван ляхъусса, гьунар бусса. Ккуллал райондалул военкоматрай зузийни икІу, республикалунмуний зузийни икІу, мунал хъуннасса даву дурссар жагьилтал армиярайн кІункІу шаврил ххуллий. Мунаву бия аьралий бурж биттур баву агъамсса даву душиврий жагьилтал мукІру бувайсса гьунар. На зузи чІумалгу муначІан даврийн уххайссияв, махІаттал увайвав давриву низам ххирашиврул, дяввилул чІун дакъанугу, къярш икІаврил. Журат дусса адамина ушивруцІун ттул шяравучу, даврил мухлу-хІин куртІну кІулсса уну, республикалун хъуниминнал ва агъалинал дянив сий дуну икІайва, гьамин, военкоматрал даву сантирай ва лябуккулий гъаз дуваврхлу лайкъ хъуссия ЯтІул Ттугълил ордендалунгу. 1978-ку шинал, оьрмул 54-мур шинаву, ва дунияллия лагаву ва кІулцириннан хъинну къувтІуна, жува ххаллилсса аьралийчунацІа, дугърисса зунтталчунацІа, бюхъу бусса каялувчиначІа хъусса махІрумсса асарду дакІурдива тачІав къалавгуна.

КъутІаев Къурбан, Ккуллал ва Лакрал районнал военкоматрай архІал зий ивкІама:

– Бутта Шяпиевичул школа ттун оьрмулуну хъинну бучІи ляхъуссар. МарцІшиву, тІайлашиву, низам – вай 3 мукъуву дия ванал хасият. ЦукунчІав къакъамулессия ванан цу-унугу даврийн лаххиялун лазикъалавкъуну увккун. Пар-пар тІий икІайва цувагу, архІал зузиминнаягу тІалавшинна мукуннасса дия. Низамрал цІакъсса къаралчи ия. Муксса ххуйсса хатІ бияхха, ванал чивчумур ккалан тІааьнну бикІайва, документругу мукунна авурсса хатІлий, низамрай бикІайва. Ва кІулминнал учайва, ванал хатІлий ябитаврийнува бувчІинссар цукунсса багъу-бизулун инсан уссарив куну. АрхІал зузиминнан ва ххаллилсса учителъгу, наставникгу, дусгу ия. Гьармуниву эбратрансса.

Буттаев Закир, уссу:

– Сайки 50-нничІан диявайсса шинну гьарчагу Бутта дунияллия лавгун, ттунгу, ичІуваацириннангу, маччагъандириннангу, гьалмахтурангу му дакІнин къаагъсса къинирагу хъусса ххай акъара. Уссу школа къуртал къабунува лавгессия аь-

Ватан дуруччайманал шинан хасну

Оьрмулун мяъна – армия



Бутта щарссаничал ва мюрщими уссурваврашал

райн, ванахъхъун аттестат булуссия ва шаву дирну 1944-ку шинал шавай увкІсса ппурттуву. Нава чІивисса ивкІнугу, хІакъинугу дакІний дур ттун му къини. Шяраваллил зума къирагърайн бувккуна агълу Бутта хъунаакъин. Тава чІумал хъхьичІун урувгсса, пахру-ххара бакъасса уссу, цаятува къабуслай, архІал талатиминная буслай ия тІий бия циняв. Дявви къуртал хъуну махъгу, къаххирая дяввилия буслан. Аьрасатнал Мюхчаншиву дуруччаврил министерствалун архиврайн запрос дуллунар балжину мунал фронтрайсса оьрмулия, чувшивурттая кІул бувссагу. «Талай циняври бивкІсса, цинявннанни захІматну бивкІсса», – куну, кутІа байва. Инсантуран кумаг бубан чялиш уккайва, ва азарханалий утту ишин кумаг бувайва, таманан самолетрайнсса билетру, кІаманан ччуччия тІалав дуллай, хъирив уклай икІайва. Цува дунияллия гъансса къинигума Совминдалий шилчІав къайгъурдалсса буллай ивкІун ия. Гъай-гъай, та уххарчагу, вайннал ичІува хъамаллурал къюкъри дикІайва, кулпат Жариятгу хъамал ххирасса бия. Шиккува кІицІ лаганна, вайннал ташу бувшиву 1946-ку шинал, дявви къуртал хъуну махъсса цалчинсса хъатІи ва бивкІшиву жул шяравусса, Ваччату профессионал музыкантталгу бучІан бувсса. Уссу оьрмулун шилсса-бунугу буллан икІайва. Ппу Ашттарханнай яхъанай уну, хъунама уссу ухъувкун, кулпатравуцириннал ялав авцІуну икІайва. Ссу булан бикІайва, цилвассагу, уссу Жамалуттиннулссагу тетрадьру ххал буллан икІайва тІий. Цува Ваччав зун гъан увайхту, Жамалуттингу цачІана увцуна, ЧІяв школагу къуртал бувну, Дагъусттаннал пединститутравун дуклан увхссия. Нагу цила чІумал цачІана увцунав, маслихІат бунна ЛКИ-лунун (Ленинградуллал жамирду бувай институт) дуклан

уххан, яла тива Москвауллал авиациялун институтравун перевод ларсссия. Гьар ишираву жун ккаккиялунсса ия, жугу уссиа лашан хІарачат буллан бикІайссияв. Ванал жун лахъхъин бубна щару тІайлану багъанну хІажакрайх уту дуккан. Усругу пІай-пІай тІий дикІан аьркинссар тІун икІайва. Уссил



Бутта нитти-бутташал, кулпатрашал, уссийшал ва арснашал, душваврашал

хатІлил ххуйшиврулгу хІайран увайвав. На ганачІан даврийн уххайссияв ччя-ччяни, ца ххуйсса низам дикІайва кабинетраву, гьармур цила кІанай, чичрурду дай стоданий, сейфраву низам дикІайва. Укуннасса низам дикІайва ичІурагу: шаппаллил библиотекалуву, лаххиялун шкафиттаву. Инструментругу, хІатта мьрдува цила кІанай. Буттая дирна ттунгу луттирду ххирашиву, ттулгу ххуйсса библиотека буссар, ххуй бивзмур лу машан ласлай, батІлай икІайссияв уссу куну. Командировкалий чун гьарчагу, жун ссайгъат бакъа къаучІайва. Цува Москвалив Аьралий академиялуву дуклакисса ппурттувугу, нагу, уссугу, нину-ппугу Москвалийн

бучІан бубнав, жун шагъру ккаккан бан, ВДНХ-лийн, музейравун, ЯтІул Майданни бувцунав. Ссайгъатиртгашал тІайла бувккунав шаппай, та аьрххилиясса асардугу оьрмулун дакІний ливчІунни. Уссин ххирая лакрал дукрарду, зунттал агъалинал байларду, аьдатру, цала ЧІарав лакку мазрайсса ихтилат бакъа къакъамулессия. Буттал лакку мазрахсса ччавугу, так лакку мазрай гьалгъа тІунсса тІалавшиннагу кІулну, циняв лакку мазрай гьалгъа тІун бикІайссагу. Буттан хъинну ххирая буттал аьрши, цува ляхъусса Лакрал район, жагьилшиву гъан дурсса Ккул-



Бутта бутташал Шяпиначал, уссурваврашал ва цала арсурваврашал

лал район, ххирая Дагъусттан. Ванал ва Жариятлул ххуйсса тарбия оьрчІангу дуллуна. Хъунама арс Расул, Дагъусттаннал университетгу къуртал бувну, дукиялун промышленностьрал министрнал хъиривчуну Республикалул Машлул инспекциялул хъунаману, ДАССР-данул министртурал Советрал аппаратраву ва ххуй-ххуйсса къулдугъирттай зий уссия. Муртаза-аьли тІима арсгу лажин кІялану зий уссия чІярусса шиннардий «Авиаагрегат» АО-лий слесарьну. Хъунмур душнил Фаинал ДГУ-рал къатІаллил билаятиртал факультет къуртал бувну, ингилис мазрал учительничал пиша язи бувгъуссия ва Дагъусттаннал лайкъ хъусса учитель-

ли. Кабиратлул Дагъусттаннал шяраваллил институт къуртал бувссия, цила пишалий зий буссия, цалла-цалла давурттай бусравну буссия. Лайкъсса наслулия ххарину духъунссар Буттал рухІугу.

Жугу ванал захІмат ратІух гъан къабитанмур бувссар. Буттал тарбия увсса хъунама уссу Жамалуттингу, С. Стальскийл цІанийсса пединститутгу къуртал бувну, школалул директорну, колхозрал председателъну, Балугъирттал комбинатрал директорнал хъиривчуну зий уссия. Ссил Жариятлулгу 5 оьрчІ, хъунигу бувну, уздану чивун буккан бувссар. КІицІ лаганна, уссил хІарачатрайну бувшиву МахІакъалалив бухмур автостанциялулІасса военкоматрал сборный пунктрал комплекс, мукунна Граждан обороналул штабрансса къа-

три Бакуйнал 26 комиссарнал цІанийсса кІичІраву. 1977-ку шинал декабрь зурул ахирданий, Москвалив ачин хъхьичІ, цува дунияллия гъантІшиву бувчІуну, жу циняв цачІанма бавтІун, бакІра-бакІрах гьарманяхъ барчаллагъ увкуна. Ххаринийгу, захІматсса чІумалгу жул кулпатрал ЧІарав бавцІуна Буттал дустал: хІакинтал Наби ЦІаххаев, Аскандар Массуев, Хайруттин ХІажиев (ванашал Ккуллал райондалий зий уссия), Башир Пиргузилов, СалихІ Халилов, АхІмад МахІаммадов, Надир МахІарамов, Ризван Сулайманов, МахІаммад Буттаев. Ххаллилсса чІаххул: Залимхан Хасаев, Казим Абасов, Аьбдурашид Темирханов ва цаймигу.

Хъунавсса школа Буттал цІанийссар. Ца укунна иширайгу чІурчІав дуван ччай ура: Буттал цІа чирчусса ула духъурчагу, гъашину Ххувшаву ларсун 80 шин хъанай духъувкун, ва цинявгу фронтвиктурал аьпа учаваншиврийсса ула хъуннав тІий ура. Бутта яхъанахъисса къатравугума 7 фронтвик ия. Жул шярава 89 инсан дяввилийн лавгессия, миннава так 36 зана хъуссар. Мукунна Буттал сайки циняв гьалмахтал фронтвиктал бия. Буттал сурат дусса улттуйн я бияйхту, ми циняв дакІнийн багъну, минналгу аьпа учаванссар. Улттуй дуссар «Бюхттул хъуннав Вирттал – Ватан дуручлай бивкІсса!» тІисса чичру. Лавгир вирттавал аьпа баннав, буминнал оьрмурду лахъи баннав!

ПатІимат РАМАЗАНОВА

Блокадалувусса Ленинград – Чувшиврул къала

МахIачкъалалив, ЦБС-рал Щусса никирал шагърулул библиотекалуву, хъунни Ленинград блокадалува буккан буну 81 шин шаврин хас дурсса, «Ленинград, выставший в блокаде» тIисса мероприятие.



872 кьини (1941-ку шинал сентябрь зурул 8-нний 1944-ку шинал январь зурул 27-ннийн бияннин) блокадалува бивIсса Ленинградул халкъуннал дурхIусса захIматсса кьинирдая ва миннал чувшиврия бусласисса ихтилатру бунни шагърулул округрал Депутатътурал мажлсрал председатель Марис Илиясовлул, МахIачкъала шагърулул бакIчинал хъиривчу, Дагъусттаннал кIулшивуртту дулаврил управлениялул хъунамнан кIанайсса Эмилия Раджабовал, «Дагестан» ГТРК-лул хъунама редакторнал хъиривчу Ссалам Хавчаевлул, Дагъусттаннал педагогикалул университетрал тарихрал кафедралул доцент Рабадан Султанбековлул.

Мероприятие дачин дурсса Арсен ЛухIуевлул кIицI лавгунни Ленинградул блокадалул ца лишанну хъанахъишиву метрономрал чIу ва баян бунни минутIрайсса пахъ багъаву.

Хъирив ккаккан дунни Ленинградул блокадалисса видеоролик ва блокадалува бивIсса Марина Шетинина-Бессаловал видеозапись. Маринан 4 шин диркIун дур фашистътурал шагъру вив лавъсса чIумал. Тания шихунмайсса цила оьрмулия, бакIрачIан бивIмунния буслай бур Маринан.

Мероприятилийн оьвкуну бия хасъсса аьралий операциялул гьуртгучи Шамил Аьлибековлуин. Ванал душнил Заринал дурккунни «Блокадное детство» тIисса Людмила Пожидаевал назму ва цинма буллусса тIутIал кацI бахшиш бунни буттан.

Дагъусттаннал медициналул университетрал студентътурал бивкIусса оьрчIал чагъарду.

Москваул хъирив Гитлердул ишан ларъсса Килчинмур шагъру бивкIусса Ленинград. 1941-ку шинал Ленинград ца яла хъунмасса промышленный центрданун ккаллину бивкIуссар. Душманнал къаст диркIуссар СССР-нул цаьксса экономикалул база канийн ласун, Балтий хъьы-



рийсса цала позицияду цаьк бан ва совет флот бат бан.

1941-ку шинал немецнал аьралуннал вив лавъссар Ленинград. Блокадалува ливчIуссар 2 миллион ва 887 азара инсан. ДукачIачIанмур диркIуссар так 30-60 гьантлийсса. КъадиркIуссар гъилишиву, электричество, зия хъуну бивкIуссар цинал бургъурду, канализация. Зий къадиркIуссар жьамтийсса транспорт. Шагърулийн лув-ялув бичлай бивкIуссар артиллериялул цу.

Вив лавъсса шагърулий яла ккашилмур чIун хууссар 1941-ку шин дайдишин хъьичIисса барзру. Ноябрь зурул 20-нний байбихъуну ччатIул яла чIивимур норма бивкIуссар – 250 гр. рабочая карточкалийхчин ва 125гр. служацийнал ва оьрчIал карточкалийхчин. ЧчатIувеу так 40% инкIмалул бивкIуссар.

Блокадалувуниннан дукачIачIанмур диян дансса ва мича инсантал буккан бансса так ца ххулу бивкIуссар – Ладожское озеро. Мунийн «Оьрмулул ххулу» тIий бивкIуссар.

470 азарунния ливчIусса инсантал, миннавух Ленинградул лал блокадалува бивкIми ва шагъру буручлай бивкIми, бивчуну буссар Санкт-Петербуреливсса Пискаревский хIатталлив. Миннаву 1200 дагъусттанчувеу уссар.

Анриана АьДУЛЛАЕВА

Бюхттулсса Ххувшаврин хасну



Январьданул 24-нний МахIачкъала шагърулул Центральнй библиотекалуву хъунни «Вехи великой Победы» тIисса цIанилусса проектрал презентация.

«Вехи великой Победы» хъанахъиссар билаятрал тарихийсса аьпа, виричувсса лавгмур жагъилсса никираву машгъур баву мурадрай МахIачкъала шагърулул администрациялул сакин дурсса проект. Ва шаллу дуллалиссар МахIачкъалалал Культуралул управлениялул Централизованнй библиотечный системалул. Проектрал лагрулий дуллантIиссар Буттал кIанттул цIанийсса Хъунмасса дъявилул иширттан хас дурсса чIярусса мероприятиертту.

Проектрал презентация дайдирухъуна «Помним, гордимся» тIисса луттирдал выставкалия. Шикку бия дъявлиясса луттирду – чIявучин кIулссагу, цIуну буккан бивссагу.

БатIаврий гьуртту хъунни МахIачкъала шагърулул бакIчинал заместитель Эмилия



Раджабова, шагърулул Культуралул управлениялул начальник Фарид Абалаев ва цаймигу.

– Ва проектрал презентация хъанахъиссар билаятрал президентнал Ватан дуруччайманал мурну баян бивсса шинал лахъишиврий жун дуван дакIнийсса хъинну чIярусса давурттал дайдирухъуну. Ххувшаврил 80 шинал таварих жунма гьарцаннангу хъуннасса аьгамшиву дусса ишри. «Вехи великой Победы» тIимур проектрасал ца цамургу шаллу дуллантIиссару

– МахIачкъалалал мэр Юсуп Умавовлул сипталийнусса «100 дней до Победы» тIимур, – увкна Эмилия Раджабовал.

Фарид Абалаевлул цалва ихтилатраву кIицI лавгуна дъявилул аьгамми мутгардан хас дурсса проект шаллу дуван ЦБС хархавар бакъа язи къабугъушиву, ванил зулалтрал, гьарца кьини тIиссакссагу, дуллаи бушиву тарихийсса аьпа буруччаврийн, билаятрал лавгмуниясса кIулшивуртту жагъилтуравуху пив даврийн дагъайсса давурт-

ту, цува ххарину ушиву библиотекалуву буккулт чанну бакъашиврия.

ЦБС-рал хъунмур Зулпат Ушановалгу хъамаллурахъ гьарта-гьарзану бивсуна ва проектрая, ванил лагрулий шайсаксса ххуйну чIалачIи дурну дикIаншиву Сталинградул цIанийсса талатаву, Польша тархъан баву, ЭльбрусрацIунсса талатаву, Берлинал штурм ва цаймигу Хъун дъявилул хъунисса кампанияртту.

Бадрижамал АьЛИЕВА

«Цадакъа хъхъичI бавцIусса ххай дикIара»

Утти хъинну чан хъуну бур Хъун дъявилул шиннардий яьхъанай бивкIмигу, танисса захIматшивуртту, ккаши, мякъ ккавкмигу. Дъявилул гьуртгучитал лапва бухлавгун бур. Нагу чичлай ура ттула учитель (аьпа баннав) АхIмадов ХIасан АхIмадовичлул бивсъсса хавар.

Та дия 1942-ку шин, январь барз, дъяви най кIилчинсса шин. Зунттаву ляличий дяркъусса кIи дия Хъусрациял шяраву, бусса чиваркIгу дъявлияйн лавгун, дьякъия цучIав къатIув къауклакисса чIун. Лаххиялул кIюла бивккун, лаххансса дакъа, оьрчIру личIину къатIув къабуклакисса чIун.

Ца кьини, аьжаивсса гъилишиврул туранну дурккун, мархалагума баслай бивкIун бур. КъатIув къабуклай бизар хъусса оьрчIругу, къари-къужригу бивккун, мизитрах ккурчIав, оьрчIру тIуркIурдай, хъуними жапрай бивкIун бур. Хавардугу ци бикIанссия, дъявлия бакъасса. Гьарнал дард ца дия: жулва аьрал махъаллил хъанахъаврия, ливтIуная, бившуная цанмацанма бавмур гьалгъа тIутIи буллалисса. Вай хавардай бунува, ккурчIав бивкIун бур ца хъамитайпа, дувсилул шан ччаннай кIункIургу канихъну. «Ва бивцIусса къалмух кIункIур булунна», – куну бур хъамитайпа-

лул. «Дьякъияту къатIув цучIав акъарча, миннатри, ттун маша бара», – тIий бивкIун бур хъамитайпа.

Ганил канища лавсун кIункIур, ххал буллаи бивкIун бур ккурчIавсса хъами. КIункIурмур, ябацIанну пIяйпIяй тIутIи бивну, марцI бивсса, хъинну авурсса бивкIун бур. КIункIурданух къама буллусса даража бусса хъанниву ца Яркъил Къубихъал СахIи бакъа къабивкIун бур. «СахIий, авурсса бурча, ласи ва кIункIур, ва хъамитайпалунгу маша бан», – тIий, ца хъуну бур ккурчIавсса хъами. Ларгун СахIи шардай, дуркIун дур бачIи шавайсса дарваг къалмулгу, 3 кIарттул ччатIгу лавсун. ХъхъичI хъамалушарнин булуну бур бачIлачIисса ччатIул парча. Циняв ччатIухух лавгун бунува, тIирх куну, дагъну дур хъамалушар. Аьраясса бивкIурдая укунмагу аьсивсса халкъ, авав, вав-шавлухун багъну бур. «Гъуя, мунихъ, чассара куну, ца-бакIрагу цIуххинссияхъа», –

тIий, хъиннува аьтIун бивкIун бур ккурчIавсса хъами. Гъаз дурну шяту, ккурчIавсса чарттай дирхъуну дур. «Ва диркIуну дакъар, ванил яру тIивтIунни», – куну бур, га гъаз дуллаи, ганиха зузисса хъаннил. «Гъуя, ина шиши дагъивуй, диркIусса ххивахха, ва чассар, цур, тти ци банну – тIийрухха бивкIисса». ЧантI кусса хъамитайпалул: «Ттун дирчIансса чара бакъассар. Ттух ялугълай мюршисса, ккашилсса 3 оьрчI буссар шаппа. Ньюмар хъунни личIисса зат къадуркуну. Ва ччатI букайхту, хIал бивуннича, багъишла ритияра. Ттуйнмагу Написат чайссар. На Гъамияшатусса дура. Ласма аьрайри, цалсса хавар-тIавар бакъар танаягу».

СахIилул канил бивгъусса кIункIургу дарвагравун, къалмучIан бивтун, бакъавчIуну ливчIисса ччатIгу, дарваггу Написатлухъхъун буллуна. «Ласи, насу вила оьрчIал ялун. Кьини кутIасса дур, хъхъунихун къабагъан, яхI бува», – куну бур Написатлухъ.

Утти цу уссар тай чIунну кIулсса, дакIнийсса. ЛивчIнавав сагъну Написат ва ганил оьрчIру. Бивзнавав гай Щуссалаккуйн.

Амма СахIи дикIайва тIар: «Ттул арс, Сулайман, аьраятуга сагъ-саламатну зана хъунсса савав га нава бивсса цадакъа хъхъичI бавцIусса ххай дикIара, тIий».

Михаил АКАРАЗУЕВ,
ш.Хъусраци

Жула студентгал

Лайкъсса ирс

Январданул 25-ний Аьрасатнаву кИиЦ лагайссар Студентна кьини. Ва кьини лахъа-хьун байссар вузирдал студентгал ва преподавательгал. Дуккавриву хьхьичунсса студентгуран вузирдал дайссар бахшишуру.

Чансса бакъар Дагъусттаннал ва республикалул кьатГувсса вузирдаву лавайсса кьиматиртай дуклакисса хьхьичунсса лакрал студентгал. Миннавасса ца бур Дагъусттаннал медициналул университетрал лечебный факультетрал 4-мур курсрай дуклакисса Кьурбанова ПатГимат Арсеннул душ. Ванил ххуйсса ккаккьирттай кьуртал буну бур МахIачкъалалал 7-мур гимназия. Университетравугу ПатГимат марцИну ххювардай дуклай бур.

– Тгун оьрчИнияцава ххуй бизайва хIакиннал пиша. Ци дус-

сар инсаннал цулулу-сагъшиврул тагъар кьулай дан кумаг буну, ганал дакI-чурх рахIат буккан ба-вунияр чирисса. Мукунсса кумаг бан буюханшиврул, хIакиннал куртIсса кIулшивуртту дикIан аьркинссар. Нагу хIарачат буллай бура ми ласун, – тИий бур ПатГимат.

ХIакиннал пишалухсса ччавугу, кIулшивуртту ласунсса гьирагу ПатГиматлун ирсирай бивсса бухунссар.

Ва бур цала оьрмулул хьунмур бутIа Дагъусттаннал медициналул университетран хас бувсса академик, медициналул



Сабина ХIусайнова

элмурдал доктор, профессор ХIусайнов Тагьир Сайдуллаховичлул душнил душ, медициналул элмурдал доктор, профессор Сабина ХIусайновал душ.

ДакIдарцунубура, ПатГиматлуягу вайннал ца лайкьну дурччинсса, шалагу лакрал миллатрал ца буюхттул дансса лавайсса даражалул хIакин, аьлимчу хьуншиврий.

Тайлабаццу баннав, Заннал кабакьиннав.

Дуккавриву хьхьичIунну ур

Чапаево шьравасса Сулайманнул арс Халил Халилов Дагъусттаннал медициналул университетрал студент ур.

Ванал мусил медальданий кьуртал буну бур Чапаевкалал 2-мур школа. Байбихьулл классирттава айивхьуну, ххуйну дуклакаврицIун, школалийсса циняв мероприятирттавагу чялишну гьуртту шайсса ивкIун ур.

КIулшивуртту ласун гьира бусса Халиллул циняв экзаменну ххювардай дулуну дур. Химиялул экзаменнай лавсун бур 93 балл.

Химиялул дарсирдал чулухунмайсса буюху оьрчIан цала ттагта Тажуттин Сайпуллаевлул хьуну буллул бухунссар. Ва куртIсса кIулшивуртту дусса химиялул учитель ивкIун ур. Ччяни дунияллия лавгун ур.

Цала кIулшивурттайну Халил увхун ур Дагъусттаннал медициналул университетрал стоматологиялул факультетрайн. Шиккугу жагьил лавайсса кьиматирттай ккалай ур. Ва ур захIматрая нигъа кьаусайсса, гьарица ишираву жаваблувсса студент.

Тайлабаццу баннав. ЯтIул дипломрай институтгу кьуртал буну, лавайсса да-



Тажуттин Сайпуллаев

ражалул пишакар хьуну ккакканнав.

Бачияра кумаг баннуча

Сайки шанма барз хьуну бур ПIаннул ЦувкIратусса Дибиров Солеглул, захIматсса цIунцияртту хьуну, азарханардайх. Няракъатлун хьусса цIунциялуцIун геморрагический инсульту хьуну, захIматсса тагьарданий ва иян увну ур Республикалул Анаварсса кумаграл азарханалийн.

Шикку няракъатлул операция буну, зуруй реанимациялул отделениялий, мунияр махъ зуруй Реабилитациялул центрдаий кьахъанай дуну, мачча-гьаннан хьуннасса харжлугъ дан багьунни Москвалия хасьсса машина бучIан буну, Олег тихун уцин. Цана ва хьин хъанай ур академик Лядовлул цIанийсса медициналул клиникалий. Шиккусса дару-дармангу хьинну ххирану бацIлай бур. Дакъар хIакьину Дибировхьал кулпатрачIа арс ччаннай ацIан ансса каша.

КIицI лаган, Олег хасьсса

аьралий операциялий чувшиврий жан дуллулсса, Кьучагъшиврул кIира ордендалул заллу подполковник Дибир Дибировлул хьунама уссур.

Ца арснал кьюву лялиян дан кьахъанахьисса ниттил ялун ва дардгу дивунни. Ласгу нукIува аьпалухьхьун лавгун, циняр кьурчIишивуртту цинналу духIлан багьунни укунмагу чIявусса ккакксса ниттин Гулян. Ва цушагу 2-мур группалул инвалид бур.

Хьунмасса тавакьюри, шайнал шайссаксса, зунна дакI дир-



мур дулуну, кьини дурксса вай инсантуран кумаг баву, чIарав бацIаву. Бачияра, ва ниттил дакI цахьисрагу тирх учин дан хIарачат баннуча. Гьарица зу бумур чирину бацIантIиссар.

Тел.89280612420 Т-Банк (Тинькофф). Аьлиева Кьиза (ссу)

Анриана АБДУЛЛАЕВА

Мачча-гьанссаннах луглай бур

Вай гьантрай «Илчи» кказитрал редакциялийн увкIунни Вьсяид ца дусса жагьил. Ванан ччай бур кIул буван цала мачча-гьанссаннах райондалия, шьравату бивзун бивкIсарив МахIарамкантлив.

Сяидлул буттал буттан ца дикIун дур Шихамир, ганал буттан ца – МахIаммад, ниттин ца – Кьизхалун, вайннал гьанчунан ца дикIун дур Агъ-

даш. Сяидлул тIимунийн буну, вай МахIарамкантлив бивзун бивкIун бур лакрал цания ца шьрава 1880-1886 шиннардай.

Сяид цува лазгиричу ур, амма

ванан кIулу бур цала ппухьлу лак бивкIшиву, мунияту ванан хьинну ччай бур цала мачча-гьанссаннах кIул хьун.

Тавакью буллау буру, ва иширал хIакьираву чичIав кIулсса ухьурча, редакциялийн баян буван.

ХIасан АБДИЛОВ

Жула Росгвардия

Бусалдаравун дагьсса чувшиву

Дагъусттаннал Росгвардиялул управлениялул вневедомственный кьаралданул зузалт ва хасьсса полкрал аьралийтал бивунни Ленинградулал блокадалулу бивкIсса, МахIачкъалалив ялапар хьанахьисса Марина БессаловачIан.



Ванил ххарину кьамул бунни хьамал. Бувсунни тай шиннардай ва танияр шихунмай цила бакIрачIан бивкIмуния.

Дявьи байбихьусса чIумал Маринан 4 шин дикIун дур. Ниттишал ва ниттил ниттишал вай ялапар хъанай бивкIун бур Васильевский проспектрай. Буттал фронтрай жан дуллулу дур. 1942-ку шинал Марина буккан буну бур душманнал вив лавьсса шагьрулува. Ниттил нину дикIуну дур, нину захIматсса тагьарданий дуну, шагьрулуву лирчIун дур. Махъ, тикку кьуртал хьуну дур. Марина цаймигу мюрши оьрчIашал Майкопрайсса детдомравун бувцуну бивкIун бур. Цаппара хIалава ва ца кулпатрал бувцуну бур, цала душну хьунма бан. Амма, кулпатрал бакI дургьума аьрайн увцуну, ва цIунилгу интернатрайн багьну бур.

Дявьи кьуртал хьуну 9 шин ларгун махъ, Марина зун бивкIун бур Кановка тIисса поселокрайсса Сталиннул цIанийсса колхоз-

раву. 1956-ку шинал ва бувкIун бур МахIачкъалалив ПТУ-вун буххан. Му кьуртал буну махъ, шийхва бавцIуну бур. Зий бивкIун бур МахIачкъалаливсса III-мур Интернационалданул фабрикалий ва «Металлист» заводрай.

Росгвардиялул зузалтрал дунни Марина Владимировнан дакIний личIансса бахшиш, буллуни хасьсса моторизованный полкрал командир Шамил Ахкубековлул чулуха Барчаллагьрал чагъар.

– Ленинградулал блокада жула билатрал тарихравусса ца яла аьсивмур, пашманмур лажин хьанахьиссар. Блокадалулу бивкIминнал чувшиврия чивчуну бур балайрду, ларсун дур кинофильму. Бусалдаравун дагьсса Ленинградулал халкьуннал чувшиву дакIний дикIантIиссар цимирагу никирай, – увкунни полкрал командирнал хьиривчу, подполковник Роберт Аюбовлул.


«Блокадалул ччатI» акциялуву гьуртту хьунни

Кьизлардай Росгвардиялул МахIачкъалалал соединалул аьралийтал гьуртту хьунни шалагу Аьрасатнаву нанисса «Блокадный хлеб» тIисса акциялуву. Батальондалул базалий хьусса мероприятилий гьуртту хьунни Росгвардиялул профильный классиртал дуклаки оьрчIру, юнармейцы ва шагьрулул Л. Толстой цIанийсса модельный библиотекалул зузалт.

Акциялул лагрулий гьурттучитурайх бавчIунни Ленинградулал халкьуннан ца кьини буллау бивкIсса 125 гр. дусса ччатIул касакру.

ОьрчIал дурккунни дявлиясса назмурду, бувсунни Ленинградулал халкьуннай бувсса зулмулия.

Батальондалул аьраличу прапорщик Анжела Абилиевал бувсунни дуклаки оьрчIахъ лахIан бан кьавхьусса Ленинградулал халкьуннал чувшиврия.



Баян бунни минутIрайсса пахъ багьаву, лавхьунни хьамул чирахьру.

Мероприятилул лагрулий хьунни «Ленинград – город мужества и славы» тIисса луттирдал выставка.

Анриана АБДУЛЛАЕВА

Студентътурал кьинилун хасну

Москавлисса студентътурацалсса хьунабакъаву

Аьрасатнал Президентнал Дагъусттаннал Постпредствалул хьунама Владислав Толстюк, аьдатрайн бувну, Москавуллал вузирдаву дуклакисса Дагъусттаннал студентътурацал хьунаавкъунни.

Ванал бувсунни хьакьинусса кьини Москавли в Москавуллал областрай дуклай ушиву Дагъусттаннаясса 6500 студент, шиная шинайн ва ккал-аьдадгу хьун хьанай душиву. Бувсунни Постпредствалул студентътурал кунку бувайшиву Москавли дуллалисса Дагъусттаннал культуралул ва гьаржуралул мероприятирттайн. Хьунабакъаврий гьуртту хьусса Паччахьлугьрал Думалул депутат Султан Хамзаевул бувсунни, 25 азарунни ливчусса дагъусттанлул гьуртту хьанай бушиву СВО-лий, миннаву чьавусса лайкь хьуну бушиву паччахьлугьрал ларайсса наградарттан. Кьини лавгунни СВО-лул цалчинма Виричугу дагъусттанчу Нурмахаммад Хаммамамамадов ушиву. «Цуксса кьумашиву дакьурдиву дунугу, цала дардирдаву



къакъувтуну, жулва жагьилтал тарбия бавриву бутла бихьлахьисса гужгу, къуватгу цаува льякьусса вирттаврал ниттихьал хурматгу бюхтуну бикан аьркинссар», – увкунни ванал, мероприятиялий Нурмахаммадлул нину Сапиджат Мазаева бушиву кьини лаглай.

Сапиджатлул бувсунни арснал Виричунал оьрмулул ххуллия, Нурмахаммад гьармуниву итхьавхьсса, дакь-аьмал хьинсса оьрч

ивкшиву, чув-адаминал журат дусса, хасиятру ххуйсса унутий, ххуйсса аргу, ласгу, ппугу ушиву ккаккан бувшиву, аьралий гьалмахтурай, къуллугьрал цаярва ялавайминнай дакьуцлаву дусса, аякьа дусса ивкшиву. Ванил студентътурал маслихат бунни Ватандалух ччаву дуну зун, яхьанан дарсирдах, элмулух къулагьас дуну, жяматийсса иширттавух чялишну гьуртту хьанансса хларачат буллан.

Постпреднал цалчинма хьиривчу Табир Маликовул бувсунни Дагъусттаннал «Каспий» тисса батальондалул аьралий ххуллия, кьини лавгунни ва батальон чьаву миллатру бусса, хьакьсса кулпат хушиву аьралийтуран, батальондалувицири, куннал кув бувгуну къуццу тий, чувшиврий талай бушиву. Ванал, цалва ихтилат къуртал буллай, «Каспийлул» аьралий ттугь Сапиджат Мазаеван бахшишран булунни.

«Дагъусттаннал студентътурацалсса дахьаву жу тачьаву хура дуккан къаритару, декабрь-данийгу дуссия хьхичунми студентътурал Дагъусттаннал бакчинал стипендия буллалисса шадлугь. Хьакьинусса даву-гу миннаву патриотизм цакь шаврил ххуллийссар», – увкунни Постпреднал маслихатчи Зоя Хановал.

Патимат РАМАЗАНОВА

Хьамакъаритайсса студентсса шинну

Тай шинну ттунна гьарица чулуха тлайлабцу бусса дия. Циньявпагу миллатирттал вакилтурая сакин хьусса жул курсрал студентътурал сайки циньяв бия итхьавхьсса, яргьсса, гьунар бусса. Кураторнал чулухагу жун тлайлабцу хьуна. Преподавательтурацала ва студентътурацала хьинну хурматрайсса, факультетрайсса чьаруми мероприятирттал сиптачи ва сакиншинначи, дазул къатгаллил литературалул преподаватель, яргьсса, цу бусса гьумучиридуш Ума Садиковна Ахьмадова.

Тай шиннардий филологиялул факультетрай дуклай бивкминнан циньявнан хьунмасса бахтти хушиврун ккалли бара жухьра Георгий Сивриди, Рашель Лихтман, Лидия Евсеева, Александр Назаревич, Борис Скупский, Лира Мегаева, Ума Ахьмадова, Нина Мелик-Саркисова, Людмила Авшалумова, Ахьмадуллагь Гюльмахаммадов, Наби Исмаев, Махаммад Курбиев, Николай Горбанев, Самсон Бройтман, Нина Вердиева, Фируза Абилова, Раиса Аьлиева, Алина Алексеевна кунмасса элмурдал корифейтурал дарс дишин нясив баву. Гьарица преподавательнацун бавхьусса лахьларду дакьинин бичин, чьавусса ххуйсса затру учин бюхьанссия. Вайннал хьиннува бувтуна жул дукварихьсса гьира, дулуна ххуйсса кьулшивуртту, ххи дурна жул язи бувгьусса пишалухьсса ччаву. Гьирарай вичи дишайссия гьарица лекциялух.

Ххуйсса педагогну дакьиний ливчунни физкультуралул преподаватель Сулайман Абдуллаевич. Хьярч-махсартту бусса, дакь хьинсса иклайва. Ванал дарсру хьайнма лагайва. Личьисса бюхьуллул залу бакъанугу, ттун ххирассия физкультуралул дарс-

Гьарица инсаннал оьрмулуву студентсса шинну ца яла дакьиний ливчунни духьунсар. Чаннасса, тлааньсса лахьлардацун дархьусса дия Дагъусттаннал университетрал филологиялул факультетрай дуклакисса ттул студент шиннугу.



ру. Дуцин дан дуллусса анкеталия ттул ппу физкультуралул учитель ушиву кьул хьуну, ттуца цидунугу дан къабюхьлахьиний: «Вагь, физкультурникнал душнища му дан къашайриввар», – тий, авара байвав.

– Физкультурникнал душ буювкун, дишинначи зачет.

– Нания левчур.

– Вагь, инания гужсса лечу бивкун бура.

Вай къутин буллалисса лагула-хьунтту къабиклайвача, Сулайман Абдуллаевичлул цала зумуну-сса хьярчру биклайва, мунияту къаччангу къабиклайва ци учирчагу.

Университет къуртал бувну ца-кьира шинава, авария хьуну, оьрмулуца хьуссар тий бавну, хьинну къаччан бивкуну. Жагьилсса оьрмулул ия.

Цаппара студентътурай баллан биклайва, ай, преподаватель экзаменнай чьавусса суаллу бул-

лай ия, буслай бунува, ялавайсса кьимат бивхьунни тисса хаварду. Ттун къадакьинийри ххюрагу шиннал лажиндарай преподавательнал ттунна лагь бувну кьимат бивхьуну. Лайкьмур бишайва. Гьаз бувса-сагума иш хьуссар. Дакинийри, зарубежная литературалул экзамен дусса гьантрай, жул уссу армиялийн уцлай, кьива-шанма гьант-та хьуна му тлайла уккан жучан инсантал батлай. Ттуца хладур хьун къавхьуна. Билетрайсса ца суалданун дакьа жаваб дулун къабювхьуна. Экзамен къамул дуллай бия танийсса ректорнал душ Фируза Абулталибовна. Цамургу билет ласи увкуну. Хладур хьун къавхьунни, цамур кьини бучанна учав. Ттул зачетка ххитгу буллайгу бивкун, ганил ттун 4 бивхьуна. Бахшиш бувна.

Щил ци турчагу, дия та чумалсса преподавательтурай тлайлашиву, жаваблывшиву. Дия тлавашиннагу, архьала хьинба-

ла бан ччишивугу.. Студентнал ххуйну жаваб дулурча, цанна цидунугу дуллусса кьсса рязи шайва. Цувхьмур гьирарай бусайва, мюнпатсса насихатру байва. Тай бия биклайкунсса элмулул инсантал, интеллигенттал мюрци ттуллар архьсса. Ларайсса кьулшивурттал система цурдара тлайласса дия.

Дакиний личансса хьуна ттул, педагогал, практика. Практикалий на буссияв Махьачкьалалал 3-мур школалий. Практикалул ка-ляувчи ия Георгий Николаевич Сивриди, гужсса методист. Ттул студентсса оьрмулуву, пишалул ххуллий, ванал ца агьамсса кьану бувгьуссар. Гергий Николаевич ия студентътурал дакьинун ххуллу ласун кьулсса ляличьисса педагог. Дарсирдах махьсса чумал кафедралай нахь-наццолухун чьагу дурну, цанма ххирасса студентътурал оьвчайссия. Элмулиясса, учительнал пишалиясса мюнпатсса ихтилатру шайва, жун бучи лякьинсса насихатру байва.

Университет къуртал бувну махьгу ттул Георгий Николаевичлул дахьаву диклайссия. Ганал бучайва дахьва учительнал ххуллу байбывхьусса ттухь цухху-бусу, мюнпатсса насихатру буллалисса чагьарду. Гьан дурну диклайва классрал къатув дансса мероприятирттал программарду. Каникуллай бувкьсса чумал нагу кафедралайин къабувхьун къалагайссияв. На бучаннин методикалул пособи-яртту, минувух цала итабавкьуссагу, дидактикалул материаллу, сборнику, хладур бувну биклайва. Интернет дакьасса заманнай ттун минну ххуйсса кумаг шайва.

Георгий Николаевич аьпалухь хьун гьаннин жул дахьаву дуссия.

Ца ппурттуву кьулсса инсаннал душнин кьимат биши учин лавтра.

– Хьинну хьхарасса бур, – увкунни.

– Туну, къабишиннав?

– Бишинна. Ми вийн бувкнав-хьур, миннал хьхичи вил махь ккалли къабан къабучирхьа, – увкуну.

Укунсса бия жул преподавательтал. Цила биклайкунсса алимтал, педагогал, архьала психологалу.

Хьинну дакиний личансса шайва студент чумалсса производствалул практикарттугу. Кьасум-кантлив Консервный заводрайсса, Татлярский совхозрай ттути батлатисса.

Студент шиннардий на кьийлва лавгьсара студентътурал строительный отрядирттаву Тюменьнал областрайин.

Жу сакин дурсса «Дагестаночка» отряд дия университетраву душаврал-студенткахьал цалчинсса строительный отряд. Цалчинсса шинал жу зий буссияв Нефтеюганскалай райондалийсса Петь-Ях станциялий. Кьилчинмур шинал багунав Сургутлив. Чьарусса хьярчлийсса назмурду ляхьан дурссия та чумал жуяту отрядраву нугьайдушнил. Утти мигу дакьиний дакьар. Стройотрядрай жул, личи-личьисса факультетирттаясса душаврал, душивугу цакь хьуна. Хьакьинусса кьинигу на барчаллагьрай биклара нитти-буттайн, ттуйнна вихшала дурну, гьан ччисса кьанттурдайн итабавкьуну тий.

Барчаллагьрай ва хурматрай дакьинин бичара циньявпагу ттула преподавательтал. Куннил хьирив кув, миннал чаннасса симанну хьхичи дацлай дур.

Хьакьинусса кьинигу, Дагъусттаннал университетрал филологиялул факультетрал чьарананий ттул дакьинун аьжаивсса гьавас буххай.

Жула чуну дакьинин дагьувкун, цанансса студентътурал оьрму мискинну чьалан биклай.

Анриана АБДУЛЛАЕВА

Уссурвал ХИажиевхъал аьпа школалый абад бунни

СВО-лий жан кьурван дурсса сержант Асхад ХИажиевлул ва хьхьиривун бюкьякьисса инсантал ххассал буллай жан харж дурсса ванал чивима уссил Исламдул аьпа уттава буллалисса мероприятие хьунни МахIачкьалалал 34-мур школалый.



Школалувун бувхун нанисса кьапулчасса чIирай лачIун дунни виртталсса уссурвавал суарту дусса, цивппагу кIишI лавгсса школалый дуклай бивкIссар тIисса чичрулушласса ула.

Мероприятиый МахIачкьалалал администрациялул вакилтуравух гьуртту хьунни Шагьрулул депутатурал мажлисрал хьунама Марис Илиясов, мэрнал хьиривчу, КIулшиву дулаврил управлениялул хьунмур Эмилия Раджабова. Мармарчарил улттуя пардав дукбангу вайннайну, ХИажиевхъал чивима уссийн, Ххассал бувултрал колледжрал студент Мусайн тапшур бунни.

Школалул директор ХИажиев МахIаммадовул цала ихтилатраву кIишI лавгуна, школалувун увхун нанисса гьарца дуклаки оьрчIан, учительнан, ниттибуттан КIулун бикIанIишиву ва шикку вирттал дуклай бивкIшиву. Бувсуна вайннахь дарсру дирхьусса учительтуран, 2-гу уссу дуккавливугу, спортравугу итхьавхсса, дакIру хьинсса, хасият хуйсса оьрчIуну дакIний ливчIшиву. Школалый 10-мур классраву дуклакисса Разуев МахIаммад ва ХИажиева Диана бия митинг дачин дурну. ТОКСрал члентурал, 9-мур классраву дуклакисса Биларов ХИабилбул ва 10-мур классраву дуклакисса Каримов Раджабул бувсуна балжуну уссурвавал оьрмурдая. Мюршуми классирттал оьрчIал дурккуна назмурду.

Жува жушса шаймур буллан аьркинссару, укун чувшиврий жанну дуллусса жагьилтурал аьпалул хIурмат буллай. Буттал кIанттул цанийсса Хьунмасса дьэвийлий жанну дуллусса ттаттахьал аьпа хIурматрай ябуллалисса кунма, вай жагьилтурал аьпа ябавугу, вайннал цIарду хьамакьаритавугу жулва адавал буржри, – увкунни Марис Илиясовул, вирттавал ниттихь барчаллагь тIий.

Эмилия Раджабова лугу барчаллагь увкунни, цилла дакIниву ци кьумашиву ва кьюву духурчагу, мудар шагь-

рулул мероприятирттай гьурттушинна дуллалисса Саният ХИажиевахь. – Ялун бурган заэвсса, илтIасса, чивисса хьамитайпалуву цукунсса кьуват буссаривугу, цукун бюхттулсса дакIнил заллу буссаривугу чIалай бур, – увкунни ванил.

Майжаннугу, кьуркьасса кьювулул бас буллай бухьурчагу, Саниятлул, оьвкунсса мероприятирттай гьуртту шаврицун, ччя-ччяни кумаг бувайссар СВО-лий талатиминнангу, нахIу-кьащIуллул кьушIуртту тIайла буккайссар арснал аьралий гьалмахтурангу.

Ванилгу барчаллагь увкунни школалул директорнахь, учительтурал коллективрахь, МахIачкьалалал администрациялул, аьсурвавал цIарду хьамакьаритансса даву дуваврихIугу, цила дардирдавул кьувтIуну цуппалу кьаькабитан хIарачат буллай бушиврухIугу.

Ттул арсру дустан чIявусса, халкьуннавун буккан ччисса, хIаласса бикIайва, хIакьину вайннал рухIру рязину духьунсар цивппа дуняллия лавгун махьгу укун чивун дуклай дуну тIий. Ттул буссавагу мурад, майжаннугу, ттула аьсурвавал цIарду хьамакьаритавур. Ттун КIуллу Ватандалул мурадур бурчлай чIявусса аьсурвавал жайннай хIайп кьакушиву, мигур дакIний битан аьркинсса циняв. Миннавух - ттулмигу, – увкунни ванил.

Асхадлул ва Исламлул гьал-амахтурал архIал хьамал яла школалул Аьралий савлугьрал музейравун бивунни. Шикку дуклаки оьрчIал назмурду дурккунни. Саният ХИажиевал музейран пишкаш бунни Асхадлул ва Исламлул суратиртталласса альбом. Шиккува кIишI лаганна, ва музей историк, «Илчилул» буккултрангу ххуйну КIулсса Галина Кьараевал бувсса бушиву. Учительтурал ва гьалмахтурал бувсунни уссурвал цукунсса хасиятирттал залухьру бивкIсарив, бувсунни миннацIун бавкIусса хьамакьабитансса ишругу.

ДакIнин бутанна, уссур-



вал ХИажиевхъул Цалчинмур ЦувкIратусса цIанихсса пагьламан, Москвалив паччахIлугьрал циркраву зий ивкIсса ва «Лезгинка» ансамбльданул кьавтIала МахIаммадул (аьпа биву) арсру бушиву, вайннал нину Сани-



яту Кьабардин-Балкьарнаву оьрму лавгсса лаккучунал душ бушиву.

КутIану уссурваврая буссан, Асхадлул 2018-ку шинал кьуртал бувссар ДГПУ-лул художественно-графический факультет. Экзаменну дулунагу кьаивтун, армиялийн ушусса ванал, аьралий бурж биттур байхту, дипломгу лавсун, армия цала кIану бур куну, контракт цIакь дурну дур. Спортраву итхьавхсса, чурххал оьвхьусса, гьармуниву низам ччисса жагьилнан аьралийчунал пиша ххуй бивзун бур. СВО байбешайхту, ва кьуллугь буллалисса часть Харьковрайн дуртун дур. Червоная Писарка тIисса станицалый ванал аьралий гьалмахтал ххассал буллай жан дулуну дур. Ислам, 9-мур класс кьуртал байхту, дуклан увхун ур Автомобильно-дорожный колледжравун. Ва кьуртал бувну ца зурува, 2017-ку шинал августрал 11-ний, гьалмахчунанашал хьхьирый игьалаглай унува, щинавун боекьякьисса 2 инсан ххассал уван ххьавхссия, ми ххассал бувссия, цувама дуняллия лавгссия 20 щинаву.

Шиккува кIишI лаган, ва иширая таний кказитирттай, социал сетирдай балжуну чивчуну бухьурчагу, бюкьякьими ххассал бувминнан дулайсса медальагу кьадулуну дур Исламлул, ва тIайладакьашиву тIайла дацIан дуван шайссаривугу кьаКIуллу.

Патимат РАМАЗАНОВА

Пахрулий буссару Вирттаврая

«Мы гордимся Героями» тIисса цIанилу МахIачкьалалив Шахматирттал кьатраву хьунни хасьсса аьралий операциялий чувшиврий жанну дуллусса ва хIакьинугу Украиннал аьршарай ватандалул мурадур бурчлачисса аьралийтурал оьрчIал дьанисса Республикалул шахматирттал турнир.



Турнирданий гьуртту хьунни хасьсса аьралий операциялий ватандалул ххуллий чувшиврий жан дуллусса МахIаммад СантIуевул ссил 7 щинавусса арс Садикьов Нур

Ванил мурад бур ватандалул мурадур бурчлаврил ххуллий жанну дуллуминнал аьпа ябаву, хасьсса аьралий операциялий талатисса аьралийтурал кулпатиртах кьулагьас даву, ялун нанисса ник ватан ххирану тарбия даву ва оьрчIал дьанив шахматирттай буккаврил тIуркIу машгьур баву.

Ва даврил сиптачи хьуну бур СВО-лий чувшиврий жан дуллусса капитан Казим Мурадовул шашар Рада Мурадова.

Турнир сакин дурну дур республикалул бакIчи Сергей Меликовул кабакьаврийну «Сила матерей» тIисса СВО-лий чувшиврий жанну дуллусса аьралийтурал гьанминнал ккурандалул, «Женщины бизнеса Дагестана», «Матери России» ккураннашал ва «Защитники Отечества» фондраллал пачIуну.

Гьуртту хьанахьиминнан тIайлабацIу чIа учин бувкIун бия Дагьусттан Республикалул бакIчиначал кумагчи Шамиль Аьлиев, миллатирттал политикалул ва диннал иширттал министр Энрик Муслимов, «Защитники Отечества» фондрал каялувчи Идрис Кьурбанов.

Зул оьрмулуву бивкIссар ва буссар зун яргсса эьрат кьариртесса инсантал, ми – зул ппухьлур, хасьсса аьралий операциялий ватандалул мурадур бурчлаврил ххуллий чувшиврий жанну дуллусса ва хIакьинугу тикку бивкIулийн данди бавцIусса. Ватандалул ялун ниьгачIаву дирсса чIумал, жанну хIайп кьакуну, душманнайн лажинну бавцIусса зул ппухьлу так ца зун бакьасса, жун циньявннаммагу эьратну хьанахьиссар. Мунин бувну, зу цайминнаяр цимивагу шаттирал хьхьичI буссару, амма аьркинну

бур зула гьунардур итхьаххан буллан, хьхьичIунмай хьит тIун. Зу цIана буру дуккаву ва спорт цалчинсса ххуттай дикIан аьркинсса оьрмулуву, – увкунни Энрик Муслимовул, бьаст-ччаллий бу-клакиминнан тIайлабацIу чIа тIий.

Инсаннал шала оьрму бур шахматирттал улттуйсса тIуркIулуха лавхьхьусса. Гьарца бивзсса ша ягу махьунай ягу хьхьичIунай уллалисса. Зу бивзсса ша хьхьичIунмайсса хьуннав тIий ура, жу, зул ппухьлунная кунма, зьзутугу пахрулий личIаншиврул, – увкунни Шамиль Аьлиевул.

Турнир дан чIарав бавцIунминнахь барчаллагь увкунни «Сила матерей» ккурандалул каялувчи, «Матери России» ккурандалул Дагьусттаннайсса отделениялул хьунмур Сефизат МахIаммадрасуловал.

Рада Мурадовал бувсунни турнирданий гьуртту хьанай ушиву цила 3-гу арс.

Ттул арсавран хьинну ххирая бутташал шахматирттай буклан. Ттун ччай бия вай цивппа кунмасса оьрчIашал кIул бан, вайннал дьанив куннал чIарав кув бацIлансса кушуйсса дусшиву цIакь хьуншиврул, – увкунни ванил.

Турнирданий гьуртту хьунни шагьурдая бакьасса, районная бувкIсса оьрчIругу – 40-нниха ливчусса гьурттучитал.

Цалчинсса тIуркIу байбивхьунни Идрис Кьурбановул.

Гьаршагу гьурттучинан бахшишуру дулунни «Трезвая Россия» тIисса Федерал проектрал чулуха. Ххув хьуминнан дулунни хасьсса бахшишуру.

Зулайхат ТАХАКЬАЕВА

Лакрал халкъуннал учаларттава

Гъинттул гъухъа къаивт-ма Къинттул гъили къала-гайссар.

Дакъинил ларсъсса даврил уххан къаайссар.

Дайдихъу даврил дацIур.

Дукъаргъу хъув ци ххяххави!

Даврил дайдахъу яла агъам-мурди.

Дузрайн дуккан дан къа-шайсса даву къадикIайссар.

Даву цукун дарчангу къа-гъассар.

Даву ттун, арцу вин къа-дикIайссар.

Дарчан – кару цIий, къадар-чан – льякъа цIий.

Дуниял дукан ляхъума акъассар.

Дунияллул хъус дунияллий-ра личIайссар.

Дунияллуха жува лацар-чан бакъа, дуниял жухара къа-лацIайссар.

Дунияллул мукъва муцIу буссар: ца лакъирчан, ца тIитIайссар.

Дуллан – даву, чурххан – захIмат.

Дулларчан, дан къашайсса цичIар дакъассар.

ДурмуничIан данмур - къа-диййссар.

Дурмур - мусури, данмур мусиватри.

Жу вай льякъула къуркъунур махъун цун дурсса.

Жан гъаяр, хъус гъаннав.


Жу хъус чувшиверий ляркъу-ну, чумартшиверий дукайссар.

Жула хъус жуцала ччалачи мадулларди.



«Илчи» – маслихатчи Цурда чIиринугу, зарал хъунмасса

Мяххи (плесень). Ва цурда чIиринугу, инсаннал цIуллу-сагъшиврун, хIатта оърмудунгума, зарал биян бувайсса грибок дур. Ва дукканса сававгу, кIанугу чан бакъар. Яла чIярунурир ва дуккай баргъ чансса, хъатру чIярусса ссугтил ва Къинттул.



МЯХХИ ШАЙССА КIАНТТУРДУ

Къатлуву ванин ххирасса кIанттурду чIявуссар: бетон, шгукатурка, тIама, пластик, сина, линолеумрал чIанчул, бартбисуртту, хIатта луттирдугума. Мяххи мукунна салкъи шайссар кондиционердаву, тIахIни-кIичIу ва янна шюшайсса машинарттаву, цинци дичайсса бакирдаву, кухнилува дикIайсса выгъжардаву, ичIурасса ххяххияртту дургъуса горшокирттаву, яла-яларив – хъатру чIярусса ванный-къатлул муцIурдаву, кафельданий. Мяххи цурда чIяруну къачIалайгур дикIайсса, салкъи хъанай, чIяру хъанай най.

Ва шайссар вилттилюбрчIал ккарччив дуклакисса чIумал ишла дувайсса ва цаймигу синттул игрушкардаву. Яла-яла мугъятну бикIан аьркинссару оьрчIру щинавун бучIлачIийни ишла ду-

вайми игрушкарттая. Вайннувун дурхсса шин, цуксса хIарачат булларчангу, кIунтI къаливчIун дуккан дуван, вай ххуйну къакъан дуван къашайсар.

САВАВРТТУ

Мяххи дакъаврил савав цимирагу дур. ЧIярунурир ва дуккай ссугтил ва Къинттул – къатлувусса ва къатлувусса температура цасса дакъаний, шарда гъилишиву, къатлув дяркъу дуний, чIиртту бяхълахъийни, къатлувун чIанкъатлуя ягу къурува хъатру нанийни. Мукунна шин нанисса бургъурду экъинанаврийн ягу цамур сававрайн бувну, шин, хъатру салкъи хъанахъисса чIумал.

ЧАРАННУ

Шарда мяххи, хъатру къадикIаншиврл, къатлуву вентиляция дикIан аьркинссар. Ва дакъахъур-

ча, мудан чIавахъулттив тIитIлан (тIивтIуну битан) аьркинссар.

Къуруву, къатлуву, хасну-ва щинавун бучIайсса, шюшукъюшу дувайсса хIаммамраву, пар, шин салкъи хъун маритару. Мукунна шюршусса янна къатлуву, хаснува утгубишай-муниву, къакъан къадурну хъинссар. Щана чIявуминнал иш ци бур – янна шардара «сушилка-лий» къакъан дуллан. Щинавун бучIлачIийни ягу бучIун махъ хIаммам-къатлул чIавахъулу, нуз тIиртIуну хъинссар, щинал кIунтIру, пар ччяни гъаваллавун гъаншиврул.

Дукра дуллалисса чIумалгу вентиляция дикIан аьркинссар, му дакъахъурча, чIавахъулу тIитIин аьркинссар.

КЪАТЛУВУССА ГЪАВА ХЪАТАН БУВАН-КЪАБУВАН

Щана машгъурну дур къатлувусса гъава хъатан бувайсса затру (увлажнительлу). Къатлувусса гъава хъатан булланин, цал хъатру цуксса дурив ккаккан дувайсса зат – гигрометр ласурча хъинссар. Къавкъсса гъава кунма, хъиннува хъавтургу заралссар. Увлажнительлу цирдагу чIавахъулттив къатIитIлатIисса, къатIату марцIсса гъава къабухлахисса къатлуву ишла дуллан къабучIиссар, вайннуя цал ххисса хъатру, яла мяххи сукку шайссар.

ЧIАВАХЪУЛТТИВ ХЪАТЛАН КЪААЬРКИНССАР

Жунма кIинттул чIумал къачанну хIисав шай чIавахъулттай конденсат, хъатру салкъи хъанай. Ва хъанахъиссар къатлу-ву гъава ххуйну шуруй бакъа-шиврул лишанну. Ва сававну-гур къатлуву хъатру, хъиривра мяххи шайсса. Шиккугу кумаг вентиляциялия ягу тIивтIусса чIавахъулттая хъунтIиссар.


Гихунмайгу буссар

**ХIадур бувссар
Бадрижамал АЬЛИЕВАЛ**


Объявление

«О тдел МВД России по Новолакскому району приглашает на службу в органы внутренних дел лиц мужского пола старше 18 лет, для замещения должностей младшего начальствующего состава. Одними из необходимых условий являются: наличие гражданства Российской Федерации, полное среднее образование, наличие службы в армии, отсутствие судимости. Для уточнения информации обращаться по следующим контактным телефонам: 8(8722) 99-65-15, 8928 978 10 82».

МАХIАЧКЪАЛА



Гъавалул тагъар



ГЪУМУЧИ



Газета «Илчи» (Вестник)

Учредитель: Агентство информации и печати Республики Дагестан

Издатель: ГБУ РД «Этномедиахолдинг «Дагестан»

Хъунама: Юсупов А.Гъ. Тел.: 65-00-25

Хъунама редактор: Къардашов Р. Аь.
Хъунама редакторнал хъирирма: Башаев Р.М.
Жаваб дулайсса секретарь: Исмяилова С.Р.

Редколлегия: Адамов АьбдурахIман МахIаммадович Аьбдуллаев Сапарбаг Аьлиевич Аьлиев ХIажи Сулайманович Исрапилов Артур Анварович КъурбанмахIаммадов Чанкура Рамазанович Маммаев Сулайман Нураттинович МахIаммадов Юсуп ХIамидович Хаппалаев Аслан Юсупович Хасаева Гульшан Рамазановна ХIажимирзаев Зиябуттин Абусупиянович Шалласуев Шалласу Рамазанович Эльдарова Роза ХIажиевна

Отделал редактортал: Аьбдуллаева А. П. Аьдилов ХI. А. Рамазанова П. ХI. Тахакаева З. К.

Корреспондентътал: АьбдурахIманова З. Т. Аьлиева Б. Д. Саидова И. А.

Корректор: АхIмадова А.И.

Кказитрал компьютерданул цех: Абакарова К. Н. ХIажиева З. У.

Кказитрай дурксса макъаларттаву кIичI лавгмур тIайлашиврул жаваб дулайссар чивчуманал. Редакция макъалалул залуннал пикрилий рязину бакъахъурчагу, макъала рищайссар, жяматрал цаламур пикри бусанссар тIисса ниятрай. Кказитрайн дуркIсса макъаларттайн рецензия къачичайссар ва ми залуннахъуьн зана къадайссар.

Кказит буккайссар ножмардий цал. Шинай итабакъайссар 48 номер.

Кказитрал индекс. П7046 Тираж – 1643 экз.

Адрес редакции и издателя: 367018, г. Махачкала, пр-т Насрутдинова, 1а e-mail: ilchi@etnomediadag.ru http://ilchi.info Тел./факс. 66-00-59

Газета «Илчи» зарегистрирована Управлением Федеральной службы по надзору в сфере связи, информационных технологий и массовых коммуникаций по РД. Рег. ПИ № ТУ 05-00424 от 30.04.2019

Газета «Илчи» отпечатана в типографии ООО «Издательство «Лотос». 367018, РД г. Махачкала, Пр-т Насрутдинова, 1а Срок подписания в печать 19.00. Подписано 19.00.

Цена 10 руб.



4 651116 280051